


太上度人經上陽子集註

漢書門			
四	五	三	一
九	一	一	一
類	號	函	架

內閣文庫			
三	二	四	五
函	架	冊	號

內閣文庫			
番號	漢	4519	
冊數	1	(1)	
函號	311	262	



上陽子註度人經序

太乙含真炁。實爲妙道仙宗。靈寶度人經。是
謂洞玄上品。生育天地。開闢陰陽。造化得以
運行。元功恃而溥博。昭懸日月。旋斡星辰。普
植神靈。化生品彙者也。在道德經。以無爲爲
先。有爲爲次。上德者。無爲也。下德者。有爲也。
上仁者。無爲也。上義者。有爲也。此度人經。則
以有爲爲首。無爲爲終。玄座空浮者。有爲也。

冥慧洞清者。無爲也。璇璣玉衡一時停輪者。
有爲也。十方肅清。河海靜默者。無爲也。故說
經周竟十徧而枯骨成人。有功勤。上奏諸天。
則萬神朝禮。三十二天。三十二帝。示祖劫之
化生。諸天隱諱。諸天隱名。恐天人之泄慢。泄
慢則禍及七祖。勤行則位登仙翁。萬劫不傳。
上天所寶。何爲靈寶。炁謂之靈。精謂之寶。寂
然不動。感而遂通。曰靈。上无復祖。唯道爲身。

曰寶。炁合而精聚曰上品。神交而道合曰度
人。則知靈寶者。精炁也。精炁者。汞鉛也。汞鉛
者。陰陽也。陰陽者。離坎也。離坎非得有爲之
道而旣濟之。則何繇凝結而成黍米之珠哉。
厥夫人之初生也。以無合有。盜竊天地絪縕
眞一之氣。以冒賦其形也。孕毓十月。脫胎去
祇。日漿夜乳。然後形全而神全。神全而精粹。
精盈而至和之炁盛塞。先哲云。炁全者不思。

食神全者不思睡。精全者不思慾。當此之時。號曰純陽。夫純陽者乾也。上士於此而行上德。無爲之道。內修外功。則魔王敬形。便得神僊。謂夫末學道淺。不樂仙道。是以保真者少。迷惑者多。廼於醉生夢死之場。熾于慾海。愛河之地。則向來所稟天地真一之炁。潛奔而寓于坤矣。繼此而往。坤乃乘乾之一陽而爲坎。乾因坤破虧一陽而爲離。審茲慾從愛起。

愛逐情生。情隨境亂。况夫喜怒哀樂慮嘆變。熱日夜相代乎前。與物相刃相靡。寧知物來无窮。我心有際之說乎。是以仙道難固。鬼道易邪。運應滅度。身經太陰。輪迴无期。可勝悲憫。至人仙子。獲遇真師。頓悟人道者心。諒不由他。却於一氣潛虧之時。早行靈寶度人之道。以復之。且復者何也。卽下德有爲之道。卽上義爲之之道。卽元始懸珠之道。卽流戊就

已之道。卽降龍伏虎之道。卽煉鉛乾汞之道。卽金液歸真形神俱妙之道也。領悟到此。方信地藏發泄之妙。金玉露形之功。全其本年。咸得長生。過度三界。飛升大空。皆分內事。況積德而建功者乎。尋詳是經。元始天尊於龍漢初。天地始分。玉字且出。乃撰此經。時以紫筆書于空青之林。字皆廣長一丈。以授玉晨道君。玉晨授玄一真人。玄一授天真皇人。皇

人細書其文。以爲正音。秘而藏之。軒轅時。皇人與太清三仙王會峨眉山。黃帝再拜問道。皇人授以五牙三一之文。并度人經上卷。黃帝修之上仙。後帝學於牧德臺。皇人授以本章。玉曆章。西漢元封間。西王母以上卷并第二章。授武帝。始成全經。東漢時。太上降授于吉。增靈書上篇。并太平經一百五十卷。桓帝時。老君降蜀。授天師度人北斗諸經錄千餘卷。

吳時太極真人於會稽上虞山授太極左宮
僊翁葛玄度人經增靈書中篇鄭真人思遠
授抱朴子葛洪經本又增靈書上下篇太極
真人後序卽今之全本晉王纂遇道君賜此
經及諸經數十卷元魏時寇謙之居嵩山修
行感太上授此經并余經六十餘卷經之流
世人知念誦禱祈而不知有還丹久視之道
存自政和御註繼以薛幽棲嚴東啓成玄英

李少微諸家註釋又寶慶初蕭觀復述度人
內義丹旨是皆研心究竟者也僕以緣遇師
真授以金液大還火符之秘欲與世人盡詣
此道乃註道德經金剛經述金丹大要旣而
叅以道用世法分註此經又引前哲所論著
者證之庶幾規禍福者知勤誦而向善超造
物者知修行而登真噫世人皆知悅生而惡
死旣已惡死則必思所以逃其死者今乃不

然知惡死已。却埋身於名利嗜慾之場。而不知悔。是愈急其死也。既知悅生。必思所以求其長生久視之道者。今乃不然。知悅生已。却不求真師指示。長生返還之旨。唯只瞎走傍門。言行邪徑者。是愈促其生也。山間林下。城邑智人。既知誦念此經。宜求經中有金丹永世之捷徑者。蓋太上以靈寶之道而度人者。直欲世人行此道也。果能進修勤行。則上遊

上清無色之境。梵行必矣。至元丙子中秋
金螺山北紫霄絳宮上陽子陳觀吾序

紫霄絳宮上陽真人金螺山北元觀吾陳致虛註

玉清贊化真人五羊郡紫霞居明意松左玄龍授

勅授文林郎工部加六品服俸景舒潘志展較閱

三教門下弟子不二道人福唐三省翁紹參刊行

凡欲誦經必先齋戒沐浴斷絕浮華於靜室中焚香叩齒存想上聖衆真如在寶珠之中然後開卷詳經味註務要字字着眼看將去如果有不能通處必求師講究一旦豁然貫徹超塵出劫可與鍾呂並駕矣

淨心口呪

丹朱口神吐穢除氛。舌神正倫。通命養神。羅千齒神。却邪衛真。喉神虎賁。氣神引津。心神丹元。令我通真。思神煉液。道氣長存。

淨身神呪

靈寶天尊。安慰身形。弟子龜龜五臟玄冥。青龍吉慶。白

虎衛形。朱雀顧護。玄武攝精。血尸臭穢。凶惡潛寧。七液得注。五臟化生。我持神呪。元亨利貞。

淨壇神呪

太上說法時。金鍾響玉音。百穢藏九地。羣魔護騫林。天花散法雨。法鼓震迷沉。諸天贊善音。金童撫瑤琴。願傾圓滿光。照燭皈依心。早登大法橋。翼侍紅雲深。

淨天地呪

天地自然。穢炁散分。洞中虛玄。晃朗太元。八方威神。使我自然。靈寶符命。普告九天。乾羅答那。洞罡太玄。斬妖縛邪。殺鬼萬千。中山神呪。元始玉文。我誦一遍。却鬼延年。按行五岳。八海知聞。魔王束首。侍衛我軒。凶穢消蕩。道炁長存。

開經玄蘊呪

妙哉元始尊。昔於始青天。懸珠如黍米。登引十方仙。說法度天人。寶章演洞玄。三十二天帝。內名隱韻詮。三界大魔王。謠歌空洞篇。大梵隱語書。皇人按筆編。藏之紫微宮。四萬劫一傳。高真垂拯拔。世世度宿緣。五劫開化久。所度无有邊。臣今東向誦。願與天齊并。國土欣太平。我祖得升遷。功滿德就日。高舉飛雲輶。

經內分四等字樣

正黑字是太上道君說

黑圈字是天眞皇人述

圓白字是註解內正經

方白字是引諸家解者

太上洞玄靈寶无量度人上品妙經

上陽子曰 **太**唯道最大 **上**天地獨尊 **洞**无所不通 **玄**其妙難述 **靈**變化莫測。感而遂通 **寶**難得之物。人所珍愛 **无**量豈可猜量 **度**人從凡入聖 **上**品天下无雙 **妙**含靈毓秀之物 **經**河筏天梯之用。總而釋曰。寂尊極貴。通靈變化。先天真一成丹之正道。如上乃爲大根上士者說。是謂道用。夫經有道用。有**世法**道用者。依之修行而登仙。 **世法**者。精勤誦念而求福。若以**世法**釋之。則**太上**者。巍巍尊高之稱。 **洞玄**乃三洞品級。有洞真洞玄洞神。謂元始洞達至真玄一之道。 **靈寶**者。此玉宸道君受元始玄

一之氣。化生天尊。靈寶之號。**无量度人**者。元始自
浩劫以來。化生諸天。生成萬有。世人由之而得度
者。筭喻莫及。**上品**者。三十六部。萬八千篇。道藏四
十萬卷之多。必以此經爲首。**妙**者。不可名言。**經**者
道之正路。此**世法**之說也。若大修行人。道用與**世**
法並行。以道用而隱**世法**。以**世法**而全道用。是爲
性命兼修。世謂釋氏修性。道家修命。雖賢與智。亦
執此說。又豈知此經性命混融。形神俱妙哉。**上陽**
子只得泄露天機。將此經性命體用。題而出之。**太**
性之體。命之應。卽造化主宰。**上**命之體。性之用。能
化生諸天。**洞**真性之所同。**玄**工用之隱奧。**靈**乃性
之變化。**寶**乃命之所產。**无**量非泛常能知。**度****人**
人

須人而度。**上品**天下无二道。同類易施功。**妙**者。一
陽初動。万物皆春。**經**者。有物有則。修行之逕。如此
暴露。豈不直截。**混元寶錄**。**老君**於龍漢劫。分身敎
化。出真文於中天大福堂國。南極赤明國。東極浮
黎國。西極西那國。北極鬱單國。五國之內。皆稟靈
寶之敎。西化**胡王**。王問曰。何謂道。**老君**曰。乃太上
靈寶。生於天地之先。大無不包。細无不經。天得之
以清。地得之以寧。神得之以靈。物得之以生。人得
之以形。人若修之。便得神仙。飛步玉京。故曰

太上洞玄靈寶無量度人上品妙經

頌曰

太上端居太極先 本於父母未生前
度人須要真經度 若問真經癸是鉛

道言昔於始青天中。碧落空歌。大浮黎
土。受元始度人。无量上品。元始天尊。當
說是經。周回十過。以召十方。始當詣座。
天真大神。上聖高尊。妙行真人。无鞅數
衆。乘空而來。飛雲丹霄。綠輿瓊輪。羽蓋

垂蔭。流精玉光。五色鬱勃。洞煥大空。七
日七夜。諸天日月星宿。璇璣玉衡。一時
停輪。神風靜默。山海藏雲。天無浮翳。四
氣朗清。一國地土。山川林木。緬平一等。
无復高下。土皆作碧玉。无有異色。衆真
侍座。

上陽子曰以**世法**言此乃敘說經之由以**道用**看
渾是先天玄一大丹之妙**道言****老子曰**有物混成
先天地生字之曰道夫道本无言假言以顯道之
用故曰道可道非常道以**世法**釋則道君演說經
義直曰**道言**以**道用**釋則**道**自溟濤之前而成太
極太極在窈冥之中而分陰陽陰陽既成形之後
而爲性命性命當發越之際乃曰神氣神氣因渾
敦之破則名鉛汞鉛汞行戊己之門是爲玄牝故
玄牝爲天地之根此之謂**道**遵道而用斯之謂**言**故經
首直曰**道言**昔於始**青天**中昔太極之先**始青天**
万物之始**碧落空歌**造化之端**大浮黎土**物所由
產**受元始度人无量上品**行此玄一大丹之事此以

道用言若**世法**義昔當初始**青天**乃東方第一太
在種民天之上。有碧霞遍滿是云**碧落**天中有氣
盪爲神風振響若**空洞之歌**其下有國曰**大浮黎**
內義曰**大浮黎土**示人造化之端物生於土終於
土。陰符經云火生於木禍發必尅知之修煉謂之
聖人木中有火發而不制則灰飛煙滅无復本性
能制之者雖火刑木燼可聚而爲土則本性存矣
始青天木之方也**碧落空歌**火之象也**大浮黎土**
土之本也土爲還丹之基還丹者返本還元之道
經曰致虛極守靜篤万物並作吾以觀其復夫物
芸芸各歸其根歸根曰靜靜曰復命此乃返還之
理在易之復卦曰復其見天地之心乎天地者陰

陽之體。心者。明其所用。天動地靜。陽動陰靜。天動極而陰生。地靜極而陽生。蓋剝於上。而復於下。動靜消長。所以見其心。人亦然爾。復之爲卦。一陽在五陰之下。其體震下坤上。震木者。始謂之。天木生火。碧落空歌也。火生土。故坤土者。大浮黎土也。土爲造化之本。而土生金。名爲空氣金胎。實先天之祖氣也。元始天尊。元玄也。始一也。天一氣之寂上尊。万有之極稱。道用卽法身之祖氣。亦云本來面目。不壞元神。故丹經云。元始天尊卽是我。當其時而說之。道用是經。卽真鉛也。若謂之始先生。曰。子能知一万事畢。又曰。一者是鉛。鉛爲君。二者是汞。汞爲臣。若鉛不真。其汞難親。若鉛是

親。不失家臣。周回十過。以召十方世法。天尊說經。招真召靈。周者遍告。回者普召。告召理行。十方諸座。道用則丹存九還十月之功。始當詣座者。金丹就室也。大修行人。入室下工。追二氣於黃道。會三性於元宮。回七十二候之要津。簇三千六百之正氣。豈非天真上聖。无軼數衆。攢歸丹鼎。輻湊金胎。豈非乘空而來。以神合氣。以氣煉形。豈非飛雲丹霄。羽蓋垂蔭。金華耀彩。銀精吐輝。豈非流精玉光。五色鬱勃。洞煥太玄者乎。以世法言。則天尊神通感召。奚止如是哉。七日七夜。夫天地大化。十月純陰。而無陽。至十一月。屬子。子雖有陽。而未回。又七日。而陽初復。此天地之陰陽也。月遇十五而圓。至

二十七夜。月中黑而無陽。至後月初三申時。月之一陽復生于庚。此日月之陰陽也。皆以七而復。天一生水。地六成之。此五行之七數也。金丹之道。攢簇之數。一時有六候。一候管五日。當采藥之時。止用一候半。亦**七日七夜**。易曰。剛柔者。晝夜之象也。**先賢曰**。剛柔一氣之往來也。人之呼吸。一氣之往來也。夫一吸一呼。是爲一息。一息之間。分陰陽。呼而明爲陽。吸而晦爲陰。七竅之呼。七日也。七竅之吸。七夜也。金母功行。天機不動。神凝目定。胎住心停。故云**七日七夜**。諸天日月星宿。璇璣玉衡。一時停輪。息不出入。卽神風靜默。氣无升降。爲**山海經**。雲妄緣俱淨。猶**天无浮翳**。六根大定。曰**四氣朗清**。

道用至此。乃見性命混融之妙矣。**一國地**。卽浮黎土。道用則一身也。人以身爲國。以精爲民。以氣爲主。以神爲帥。**山川林木**。具在身中。真靜湛然。是卽**緬平一等无復高下**矣。性如玉之瑩潔。何異色之有哉。**內義曰**。土。性情也。性虛化而生神。存於室中。曰戊土。氣感激而有情。攝於釜內。曰巳土。戊巳旣交之後。神怡氣寂。性復情冥。如色之碧。无瑕如玉之眞。不雜。故曰**土皆作碧玉无有異色也**。心目內觀。眞氣三竈歸體。七魄皈眞。心君壹寧。力神聽命。故云**衆眞侍座**。此皆道用之有爲。若以**世法**義釋。則天尊威力。感化天神地祇。日月星宿。隨機赴感。景象如此也。

頌曰

碧落空歌寂妙音 大浮黎土向坤尋
流精洞煥神風靜 湛寂微陽煉五陰

元始天尊。玄座空浮。五色獅子之上。說
經一遍。諸天大聖。同時稱善。是時一國。
男女聾病。耳皆開聰。說經二遍。盲者目
明。說經三遍。暗者能言。說經四遍。跛病

積逮。皆能起行。說經五遍。久病痼疾。一
時復形。說經六遍。髮白反黑。齒落更生。
說經七遍。老者反壯。少者皆強。說經八
遍。婦人懷妊。鳥獸含胎。已生未生。皆得
生成。說經九遍。地藏發泄。金玉露形。說
經十遍。枯骨更生。皆起成人。是時一國。

是男是女莫不傾心皆受護度咸得長生

上陽子曰以道用言元始天尊元神也**紫清白真**

人云此神卽非思慮神可與元始相比肩是也**內**

義曰玄座神室也**空**淨法身也**五色**乃妙化之氣

獅子卽心知元神在室運心攝氣法身虛寂心知

明妙神之御氣心以象獅得非天尊道相乎又豈

非人之真性乎則**玄座空淨**乃湛寂真靜而又常

應常靜人之寂難降者心也性也經云人神好清

而心擾之心好靜而欲牽之神卽真性心靜而神

自清入室之工降心如降猛獸前哲以鉛汞而比

龍虎者謂其難制伏也**純陽云**溫溫鉛鼎光透簾

幃造化爭馳虎龍交戰進火工夫牛斗危况獅子

爲百獸之王空浮而座于其上稍有怠慢亦危之

甚**東海青元真人曰**必先降伏而座其上猶虛其

心外其形道斯能應始爲超脫之本**說經一遍諸**

天大聖同時稱善夫修玄一至真靈寶大還丹之

士方聖敬護諸天所崇魔王保迎鬼神欽仰况得

預經座豈不稱善以道用言則行道一遍身中之

神皆得快暢也**一國男女聾病耳皆開聰二遍盲**

者目明三遍暗者能言此以**世法**觀之似淺若以

道用曉之其理寂切何以故一切常人不能靜聽

養氣收視存神故耳爲聲所惑目爲色所亂口爲

味所役久而不悟終亦必盲聾暗啞至矣**老子曰**

五音令人耳聾。五色令人目盲者是也。大修行人聽於無聲。久而愈聰。視於無形。久而愈明。口不雜味。久而愈爽。況入室之際。我之五官。當云何而恐懼戒謹哉。魏真人曰。耳目口三寶。閉塞勿發通。真人潛深淵。浮游守規中者。此也。四遍跛阿。積速者。能起行。比世人不知修道。如跛者不能行。痼者纏也。積習也。逮及也。以其下愚纏於俗染。積習所及。故爾。今言能起行者。能起志而修行也。五遍久病痼疾。一時復形。世有信道之士。心多不堅。不信道之人。其懷不信之心。反堅如金石。百計不能回其心。使之信道。此爲久病痼疾。忽然一旦信道行之不疑。是謂一時復形說者。有以坎爲耳而開聽。南

爲目而目明。又有以震驚爲開聰。离麗爲目明。何不超脫。夫經之流世。寶存道爾。非真履的踐之器識。奚可以語是哉。六遍髮白及黑齒落更生。血盛則髮益。精裕則齒堅。七遍老者反壯。少者皆強。若先天玄一之氣復。則老者返嬰而反壯矣。若至真之氣全。則少者皆強矣。老子曰。此於赤子。骨弱筋柔而握固。未知牝牡之合而峻作。豈非少者皆強之義。八遍婦人懷妊。鳥獸含胎。已生未生皆得生。成說經九遍。地藏發泄金玉露形。說經十遍。枯骨更生。皆起成人。此道用與世法兩存。世法則依經云云。不必復贅道用。則修金液還丹之士。未得先天一氣。則一身皆陰。若离中虛。豈不謂之婦人乎。

紫陽真人曰。日居南位。翻爲女。坎配蟾宮。却是男。者此也。旣得金液歸鼎。上下則守以朱雀玄武。左右則守以白虎青龍。豈非鳥獸含胎乎。皆得生成者。金鼎之胎。完氣足。地藏發泄。金玉露形者。形神俱妙。枯骨更生。皆起成人者。真人出現。身外有身。千百億化也。內義曰。鳥獸含胎者。砂含汞質。象類懷胎。永遇鉛而凝結。氣遇形而混合。已結之氣。日益壯盛。發生之氣。又復混凝。不隨物化。長養聖胎。故曰。已生未生。皆得生成。又九遍者。地四生金。天九成之。還西兌方爲金。乃坤兌合而金成於土。蓋鉛歸土。金而成寶也。叅同契曰。金來歸性初。乃得稱還丹。所謂一氣還元也。夫天一生水。始因空氣。金胎而生。未見金質。地四生金。猶爲化機。至此則還元復性。居於中宮。是爲丹體。而有玄象。中宮土也。土爲地。金母居其中。故曰。地藏發泄。金玉露形。漢天師序金液神丹經云。神仙之趣。要妙之言。無理之至理。不然之大然。已具載於淵宗。非一毫之所宣。太上亦復暢此冲虛妙道者也。是時一國是男。是女。莫不傾心。一國乃一身。男女卽陰陽。傾心者。以類相感。猶言先天之氣。與後天氣合而成丹。功圓氣足。故云。皆受護度。咸得長生。如上所釋。皆屬道用。若從世法。不釋已詳。

頌曰

玄座空浮五色獅

盲聾暗跛病皆離

地藏泄時金玉露 飛空奪得錦標兒

道言是時元始天尊 說經一遍

東方无極无量品。至真大神。无鞅之衆。

浮空而至 說經二遍

南方无極无量品。至真大神。无鞅之衆。

浮空而至 說經三遍

西方无極无量品。至真大神。无鞅之衆。

浮空而至 說經四遍

北方无極无量品。至真大神。无鞅之衆。

浮空而至 說經五遍

東北无極无量品。至真大神。无鞅之衆。

浮空而至 說經六遍

東南无極无量品。至真大神。无鞅之衆。
浮空而至。說經七遍。
西南无極无量品。至真大神。无鞅之衆。
浮空而至。說經八遍。
西北无極无量品。至真大神。无鞅之衆。
浮空而至。說經九遍。

上方无極无量品。至真大神。无鞅之衆。
浮空而至。說經十遍。
下方无極无量品。至真大神。无鞅之衆。
浮空而至。
十遍周竟。十方无極。天真大神。一時同
至。一國男女。傾心歸仰。來者有如細雨。

密霧。无鞅之衆。迂國一半。土皆偏陷。非
可禁止。於是元始懸一寶珠。大如黍米。
在空玄之中。去地五丈。元始登引天真
大神。上聖高尊。妙行真人。十方无極。至
真大神。无鞅數衆。俱入寶珠之中。天人
仰看。唯見勃勃。從珠口中入。既入珠口。

不知所在。國人廓散。地還平正。无復欹
陷。元始卽於寶珠之內。說經都竟。衆真
監度。以授於我。當此之時。喜慶難言。法
事粗悉。諸天復位。倏歛之間。寂无遺響。
是時天人。遇值經法。普得濟度。全其本
年。无有中傷。傾土歸仰。咸行善心。不殺

不害。不嫉。不妬。不淫。不盜。不貪。不欲。不
憎。不妬。言无華綺。口無惡聲。齊同慈愛。
異骨成親。國安民豐。欣樂太平。經始出
教。一國以道。預有至心。宗奉禮敬。皆得
度世。

上陽子曰此道用與**世法**兩存。**世法**則天尊說經
感召十方无極衆真。東方梵監須延天等。震宮卯

位。是无鞅衆。南方鬱單无量天等。离宮午位。西方
靈化梵輔天等。兌宮酉位。北方混元化應聲天等。
坎宮子位。東北高虛清明天等。艮宮寅方。東南波
羅尼密不驕樂天等。巽宮巳方。西南寂然堯術天
等。坤宮申方。西北上上禪善无量壽天等。乾宮亥
方。上方九霄上清玉真。三十六天等。下方无色界
欲界。三十二天等。以至三元九地。无鞅之衆。俱會
始青天浮黎土。聽元始天尊說經也。十者。極數而
言。以**道用**則十者。是天地生成之數。戊巳二土。合
而成十。天地合而万物交。陰陽合而万物生。鉛汞
合而金丹成。當采藥之時。簇三千六百之正氣。回
七十二候之要津。分三百八十四爻。聚五星二十

八宿鼓二十四氣之陽火。行六十四卦之陰符。三
魂衛形。七魄歸體。身中万二千神。一時聽命。是爲
十方无缺之象。空而來一時同至。男女傾心歸
仰。是陰陽二氣混合。細雨密霧。乃真氣薰蒸。衆同
契曰。金砂入五內。霧散若風雨。土者偏陷。土卽戊
巳。二土。戊巳是玄牝之門。采藥之際。龍爭虎鬪。金
木間隔。一失防遏。必致走喪。蓋得之在我。則彼失。
我失。則彼得。故云偏陷。當是時也。唯至聖神人。練
已純熟。方能禁止其偏陷之失。寶珠如黍之小。容
衆真勃勃而入。以**法**見。豈不神通。道用視之。无
黍米大。无如黍米大。如黍米在空之中。
地五丈。此明道用寶珠空玄。神與道合。去地五丈。

地皆言土。土卽戊巳。金丹從戊巳而結。旣已結丹。
離而去之。戊土已隔西天。已土尚離五丈。此須口
傳。不可顯露。回視五丈之下。皆五濁惡世矣。說者
以寶珠去地五丈。比心去脾五寸爲喻。是最愚謬。
或以寶珠爲性。五丈爲五行之數。或以丹田到玄
關爲說。豈知祖氣成化胎仙之妙。元始登引衆真
俱入寶珠。元神一定。万神總歸。契虛合无。升玄入
妙。**青元真人曰**。道之微妙。本於虛无。天真之身。豈
有容礙。不免同時混融。所以懸珠應變。示無形者。
還於无物。**登**者起而舉行。**引**者指示化導。**天人仰**
看。成真得道者。隨入珠口。若天人有累。未可偕行。
旣入珠口。不知所在。此皆元始示現神化金丹之

道從无入有。以有歸无。混合百神於一心。斂藏万有於一息。則天人異見。豈得而知珠内妙化哉。**說經都竟衆真監度以授於我紫陽真人云**白虎首經至寶。華池神水真金。又云。相吞相啗却相親。始覺男兒有孕。諦觀此語。豈非說經都竟乎。又豈非**以授於我乎。當此之時喜慶難言**情性兩下圓明。今日欣慶受度。法事粗悉。諸天復位。法事者有爲之事。經云上義爲之。而有以爲。**大藏般若云**丹成之後。委之而去。則諸天復位。其理可見。諸天旣已復位。則**達磨**亦入少林冷座。這般指出了。諸學仙子寧不爲之慶快。**倏歛之間寂无遺響**倏歛言至疾也。凡息爲略。一略有五倏歛。一條歛間不容眴。

眼。此**世法**之言爾。若道用則倏歛之間四字。莫容易看過一字。須要惺惺始得。夫煉金液大丹其事寂疾。故丹經以年中取月。月中取日。日中取時。時中取候。候中取刻。蓋攢七十二候於一日。則一時分爲六候。煉丹之頃。不用二候。猶一時不用半個時。已得還丹也。故須菩提問世尊云。是事疾否。世尊云。是事甚疾。而遺響之義。尤須詳明一个寂字。受用不盡。**是時天人遇值經法普得濟度**此當作道用釋。天人當分兩說。經法亦是兩義。何以故。蓋有財者施財。法者施法。又有藥者施丹。聞經者施法。是以經法兩明。法財雙扣。皆云兩者。謂之天人。謂之經法。則天人全乾坤之體。經法全大丹之用。

各全其本年而咸无中傷。得之者知其神而愛之。明其氣而寶之。方謂之全。傾心歸仰。善心不殺不害者。當以世法釋。人无有不善。皆因物慾所蔽。昧其本來。是以惡日長。而善日銷也。今者得遇經法。則皆回光返照。返本還元。而行其本來之善心矣。書云。聞其聲。不忍食其肉。夫念想見聞。皆謂之殺。折傷一切。曰害。毀人良能。曰壞。恨彼富貴。曰妬。不絕妄想。曰淫。取於非義。曰盜。好愛无厭。曰貪。見物起念。曰欲。謗毀勝已。曰憎。疑忌正直。曰妒。虛言詐誣。曰誹。語不規檢。曰惡。十惡之業。惟淫慾爲諸業之首。修行之士。先當屏絕。長春真人對太祖皇帝。且以慾爲第一戒。

以慾爲十敗之首。修行之法。无他。但能真實絕慾。餘皆易事耳。世以絕慾爲甚難者。此乃愚癡之見。却不知其法甚易。但人自未試也。試者。卽煉已之事。初學之士。試於无人之境。獨行獨臥。仍戒飲酒。日則以丹經常翫。夜則以清淨存心。眼前既无境。亂。一切妄念悉除。稍有魔障。愈堅其心。外則不令饑渴。內則常加滋補。如此半年一載。待其精氣內固。則自不思慾矣。若慾念未除。是精尚不全。更當固之。丹經云。神全者不思睡。氣全者不思食。精全者不思慾。眞至言也。精既全。又能長保長守。方可。以煉還丹。人試行之。卽見其効。蓋无人境處。習煉已者。謂之小隱。小隱若定。方可大隱市塵。倘外絕

境而內念不除。見境即動。此非真履實踐。皆是言清行濁。總爲地獄種矣。夫絕慾之士。上聖每加陰護。鬼神暗中欽仰。丹道自然成真。**昔**以虛元君與**茅真君**校勘天下真仙得失之事。其中頓落者四十七人。復上者纔二人。勘其慾心未絕故也。慾罪若无。十業俱弭。**齊同慈愛**。物我兼容。**與骨成親**。自利利他。**國安民豐欣樂太平**。國身也。民身中之精氣也。**昔**老君授**下**古太平之要曰。夫人天付之神地付之精。中和付之氣。人能寶精去慾。固氣愛神。內則身得長生。外則國致太平。況有諸內必形於外。了性則身清淨。了命則丹圓成。內則性命雙修。外則善行彰著。福國安民。而欣樂太平矣。**經**

教一國以道預有慈心。宗奉禮敬。皆得度世內矣。**曰**人稟道氣而生。是心寧无有乎。蓋由耽着幻妄。迷昧昏蒙。一遇經法。此心復明。謂如今之指出丹體。乃本來之物。非昔无而今有。雖得之於聞道之後。實先有於聞道之前。故曰預有至心。**青元真人**曰。**宗**此經。以求濟度。**禮**者。禮事此經。如父如母。如師如長。畏愛之間。惟恐慢易。**敬**者。敬重此經。如金如寶。如珠如玉。愛惜不捨。惟恐失之。既盡四心。皆獲度世。而長生矣。

寶珠如黍在空懸 上聖高尊總現前
珠口且容无缺衆 方知經力妙玄玄

道言元始天尊說經中所言。並是諸天上帝。內名隱韻之音。亦是魔王內諱。百靈之隱名也。非世之常辭。上聖已成真人。通玄究微。能悉其章。誦之十過。諸天遙唱。力帝設禮。河海靜默。山岳藏雲。日月停景。璇璣不行。羣魔束形。鬼精滅爽。迴屍起死。白骨成人。至學之士。誦之十過。則五帝侍衛。三界稽首。魔精喪眼。鬼妖滅爽。濟度垂死。絕而得生。所以余者學士。穢氣未消。體未洞真。召制十方。威未制天政。德可伏御地祇。束縛魔靈。但却死而已。不能更生。輕誦此章。身則被

殃。供養尊禮。門戶興隆。世世昌熾。與善
因緣。萬災不干。神明護門。斯經尊妙。獨
步玉京。度人无量。爲萬道之宗。巍巍大
梵。德難可勝。

上陽子。天尊說經中所言。以**世法**釋。三十二天
帝。諱。卽諸天上帝。內名**隱龍**。如青天魔王。巴元。魏
伯等。卽廣生。內諱。无英公子。桃康合延之類。卽
靈隱名。青元真人曰。夫靈寶爲道炁之祖。度人

萬法之先。元始含蘊妙道。出法度人。流散文言。創
成音律。非下世文章之比。中下之僊。不可盼其篇
目。惟上。至真人。深造道妙。始能**通玄**。能微以道用
釋。大。卽還丹也。老子曰。名可名。非常名。經中所
言。內名**隱龍**之首者。太乙真人。破迷歌云。如
何却是道。太乙含真氣。太乙。豈非**內名**乎。先哲云
乾坤之內。宇宙之間。中有一寶。秘在形山。此卽
龍之首。正陽真人曰。生我之門。死我戶。此卽魔王
內名。伯陽真人曰。真人潛深淵。佛祖曰。坐上有一
无位真人。此卽**龍之隱名**。如上皆至玄甚微。非
上聖之士。躬親踐履修行。成真得道。常人烏能通
達而究竟哉。**通**三字之義。奚可略而不詳。**通**

者。通其經意。究者。究其丹道。悉者。悉其火候。只此
三事一理。就中多少玄微。且如丹經所言藥之內
名者。日。月。星。庚。虎。甲。龍。水。銀。朱。砂。紅。鉛。黑。錫。黃
芽。白。雪。姤。女。嬰。兒。金。液。流。珠。華。池。神。水。交。梨。火。棗。
鳳。髓。龜。精。此。皆。藥。之。又。如。乾。坤。鼎。器。坎。離。匡
廓。玄。關。一。竅。太。乙。神。爐。神。室。黃。房。混。元。丹。鼎。懸。胎
便。月。金。鼎。玉。爐。此。皆。鼎。器。之。又。如。陰。陽。火。候。太
易。子。癸。復。震。屯。蒙。母。隱。子。胎。刀。圭。媒。娉。攢。簇。時。節
情。性。主。賓。白。黑。雌。雄。朝。暮。弦。氣。顛。倒。浮。沉。抽。添。沐
浴。烹。煉。溫。養。斤。兩。爻。符。脫。胎。換。鼎。此。皆。火。候。之。
又。如。恍。惚。窈。冥。先。天。太。極。初。三。成。震。月。現。庚。申。
西。南。得。朋。首。經。至。寶。文。武。逆。順。至。日。閉。關。辟。裂。為。

濛。鑿。開。混。沌。建。立。鄴。鄂。創。造。鼎。爐。以。有。入。无。流。戊
就。已。防。危。慮。險。復。命。歸。根。龜。息。踵。音。千。百。億。化。此
皆。還。丹。隱。韻。之。言。無。非。玄。一。祖。氣。之。妙。學。者。必。須
明。師。傳。授。微。精。達。深。曉。是。謂。上。聖。方。也。章
也。誦。之。十。過。者。槩。言。還。丹。之。成。功。道。高。德。隆。之。喻
若。其。庸。人。不。明。說。經。之。義。直。以。念。誦。十。過。而。妄。希
求。誦。天。遙。唱。萬。帝。設。禮。如。經。所。言。者。必。无。是。理。若
修。還。丹。功。成。道。備。則。其。靈。應。豈。止。如。是。哉。曰。
者。莊。子。所。謂。澹。然。无。極。而。衆。美。從。之。天
地。之。德。聖。人。之。道。者。也。有。海。比。愛。河。苦。海。也。人。心
被。妄。幻。所。有。則。愛。從。情。生。苦。從。識。至。若。修。金。丹。要
德。合。天。地。道。同。聖。真。則。愛。河。靜。息。而。海。淵。默。矣。

山嶽藏雲黃庭經曰五嶽之雲氣彭亨。即五藏雲氣。眞人之息深深。則五藏氣盈。如山嶽之雲也。日月兩目也。景光也。神也。眞人神不外馳。目雖視物而凝然不動。故曰得景璇機。斗極也。人心象之極者。旋而不移。視而察之。乃若不動。眞人者。任其自然。心雖應物而湛然常寂。故曰不行。羣魔紛紜。萬緒惑亂我心。既任其自然。則應之若無事。故曰三尸自絕。故云滅其迴。起如白雲。成人丹成之士。非持獨善其身。更宜推功及物。濟死度生。云吾丹既成。變化自在。所不足者。上帝之詔未至。於是積功以期眞命焉。起于慶於已。

亡。豈非迴尸起死乎。至學之士。勤苦精進。无退轉也。五帝五藏之神。肝魂肺魄心神腎精脾意。此五者。若人恬澹。則神定。魂清。意安。魄寧。精不走失。若人躁競。則神疲。魂濁。意亂。魄散。精遂潰耗。夫人非不欲安而壽。而日應酬。神稍疲倦。則三尸九虫。作我蟲賊。是以丹田之眞。爲其所擾。精進之士。必尸虫消絕。五藏之神。各安其職。故曰侍衛也。三界三尸也。乃人身三部陰濁昏邪之氣。屬三徒之界。上尸彭踞居人頭中。尸彭躡居人腸下。尸彭躡居人足。凡嗜慾貪姪。種種不善。皆尸鬼所使。庚甲等日。則詣天曹。言人罪過。毫髮不遺。欲人速死。彼則欣躍。葛稚川曰。子能絕三彭之仇乎。

盡世間无限法。除非丹藥殺三尸。**紫雲**由
來庚申明令。殺盡三尸。道可期。此乃銷惡成仁。
化頑從善。被我制伏。護我修行。故曰**稽首也**。**魔**
喪眼鬼妖滅爽。魔精有隻眼。而形不可見。鬼妖有
精爽。而體不具。一切常人。醉生夢死。皆爲妖魔所
害。而反以爲樂者。何也。六慾七情之未除故也。大
修行人。七情俱忘。六根盡淨。則**魔精**喪其瞎眼。而
變爲慧眼。**魔**滅其精爽。而化出神通。上根之器。
精進堅固。而行之者。雖垂死將絕。猶可延其生。况
年壯而氣裕者乎。**萬緣紛起**。是內
災苦所逼。爲外魔。內魔不絕。是曰**七情六慾**。是
謂**鬼**。惱亂顛倒。障我道德。此所謂**妖**。至學之士。心

无退轉。彼皆不得而爲此妖魔之障矣。初學者。雖
无內想。然外境卒至。此心卽亂。奚可煉丹。故經云
衆者學士穢氣未消也。淫慾之人。不能清淨。自知
體有穢氣。若見修行之人。急當迴避。毋觸忤其真
氣。以招殃禍。而初學之人。慾念不除。則體亦穢氣。
不能洞達眞道。又烏能召制十方。雖積小善寸功。
未能臨制上天七政之辰。蓋金丹之士所行。與天
地合德。與日月合明。天罡所指。斗極居前也。若修
丹未成。則威未制天政。此名初仙。若未修行而積
德重厚。此名地仙。其**德止可伏御地祇也**。**束縛魔**
靈者。以其不明先天妙道。唯存想行符。役驅神鬼。
又常吸呼陰戶鬼炁。是名鬼仙。如上積行不倦。亦

可延壽。故曰**但劫死而已不能更**此形體以久視
長生。倘一旦不行。禍難卽至也。知此道而不行。又
輕與人妄論。是謂**輕誦此章身則被殃****曰金**
丹之要。全在精勤調燮。精則必明。勤則必成。首則
勤於采取。次則戒於持盈。以俟鼎器圓成。藥物全
備。則運符進火。添抽汞鉛。時畧相符。節候无爽。故
得陰陽氣足。离坎珠圓。神化成真。長生久視。若乃
情躁心急。妄作謾爲。緯候相差。符節不應。則隆冬
大寒。盛夏嚴霜。姤女逃亡。赤龍奔逸。神精旣失。金
液難求。氣索體羸。形衰身歿。**供養尊禮**虔心供養
日夕尊禮。眞仙聖師。而又修行篤敬。外則宅舍昌
盛。內則身心安寧。動與吉會。神明護門。**高**日

夕思眞。不覺魂升玉京。上帝憐之。命西華太乙夫
人。指示金丹訣。其篇有曰。乾坤陰陽之門戶。乾道
男兮坤道女。時人不識眞陰陽。茫茫天地尋龍虎。
觀此則門戶宅舍。在吾身也。**斯經尊妙獨步玉京**
上**經****敘****部****云**夫三洞者。是一乘之妙旨。三景之
玄言。了則上聖可登。悟則高眞斯陟。龍章鳳篆。顯
至理之良詮。玉簡金書。引還元之要術。况斯經爲
三洞之冠。故云**獨步玉京**。從古至今。仙眞上聖。未
有不由是而修證者。方法千門。靡不出此。巍巍蕩
蕩。非可以名言思議。

頌曰

內名隱諱不堪論 无位眞人號獨尊

了得內名須受用 方知劫劫鎮長存

道言凡誦是經十過。諸天齊到。億會萬祖。幽魂苦爽。皆卽受度。上昇朱宮。格皆九年。受化更生。得爲貴人。而好學至經。功滿德就。皆得神仙。飛昇金闕。遊宴玉京也。上學之士。修誦是經。皆卽受度。飛

昇南宮。世人受誦。則延壽長年。後皆得作尸解之道。魂神暫滅。不經地獄。卽得返形。遊行太空。此經微妙。普度無窮。一切天人。莫不受慶。無量之福。生死蒙惠。上天所寶。不傳下世。至士齋金寶効心。盟天而傳。輕泄漏慢。殃及九祖。長役鬼

官侍經五帝。玉童玉女各二十四人營

衛神文。保護受經者身。

上陽子曰。十過以成數言。經功圓成。諸天齊到。壽元真人曰。億曾萬祖。乃元始以來。捨身受身。所育父母。乃祖乃先。幽滯冤靈。久拘苦爽。悉獲受度。上府南有流火之庭。乃煉化度仙之所。獲超升者。經由此宮。受三火大煉。煅煉五濁穢形。以玉眸之光。煉其炁質。以黃華之水。灌蕩尸形。然後禦孕靈真。隨其報化。而遂更生。煉度之格有三。上學三年受

度。中智九年。下學二十四年。格者九年者。總以中格言之。此世法釋也。若以道用。當求於身。十過者。則月之理。諸天齊到者。万神混歸元一。億曾萬祖。乃父母假合之物。幽冤苦爽。即有身之後。昏濁之氣。皆即受度。上昇朱宮。乃煉化假合昏濁之氣。超入清淨光明之域。受化更生。得為貴人。謂融煉假合昏濁之氣。俱化陽神。更生真氣。万神為一神。万氣為一氣。長養聖胎也。學士到此地位。已得神全氣足。延年長生。所謂仙者。尚未可言。而好學至經功滿德就。皆得神仙。若進修內功。成就外行。方可言仙。內功者。火候脫胎神化之道。外行者。濟人利物。如漢天師。區別人鬼。葛仙翁。濟度幽冤。許真君。

誅剪蛟妖是矣。經云。學者雖守道。不作功德。亦不能得道。若內丹成。積修外行。則功滿德就。飛昇金闕。遊宴玉京。真不虛也。上學之士。修誦是經。即受度。飛昇南宮。上學者。聞道勤行也。老子曰。上士聞道。勤而行之。蓋勤則有功。即飛昇南宮也。世人受誦。則延壽長年。後皆得作尸解之道。世人乃常俗之流。紫陽真人曰。大丹之法。至簡至易。雖愚昧小人。得而行之。亦躋聖位。尸解有四種。一者兵解。若寄戮於市。淮南託刑于獄。二者文解。若次卿。易質於履。長。假形於竹。三者水火解。若馮夷溺於大川。劉子。焚于大樹。四者坐解。視其已死。而足不青。皮不皺。目光不毀。屈伸從人。名太陰煉質。

肉過百年不朽。更起成人。真誥云。尸解仙。不得御華蓋。乘龍登太極。但不死而已。故云。鬼神暫滅。不經地獄。即得返形。遊行太空也。說者謂尸解者。曰瑩骨輕。精血不變。投其尸于名山大川。百年之後。化生珠玉也。此經微妙。普度無窮。一切天人。莫不受慶。以道用釋。此經。即至寶也。即金液也。微妙。即白虎也。即兩七也。參同契。鼎器歌。兩七聚。輔翼人。以此經微妙之功。順則生物。逆則成丹。廣濟有情。普度無窮矣。一切天人。大修行者。以天人分兩義。猶金丹分龍虎二物。莫不受慶。天人以法藥兼施。故皆受慶。經功圓滿。丹道成真。豈特身被長生之恩。偕祖禰蒙超升之惠。上天所寶。不傳下世。此從

世法釋。青元真人曰。上真朝奏。必嘯詠此篇。天寶
寶愛。不傳下世。因後聖君堅請。以保甲申洪災。所
以聖聖相傳。不及凡俗。唯至士齋金寶。効信質心。
盟告諸天。方可傳授。何則。人之愛者。唯金寶。金爲
堅剛之物。太上設此。使人捨已所愛。破慳悵心。以
此捨心。回向表其心誠。堅如金石。若輕泄妄傳。殃
及身矣。經云。聖王受各二十四人。此道
用經者。祖氣出五帝。妙化五行之氣。童女二十
四人。是合內外二景。真神真氣。丹體保護受
經。圓成大丹也。昔葛旌陽煉還丹。乃感上帝。遣五
仙童女持劍而下。旌陽日與之戲劍。後乃成道。豈
非保護受經者身乎。

頌曰

上天所寶不輕傳
若得親傳可上天
金寶効心何所貴
此經微妙福无边

道言正月長齋。誦詠是經。爲上世亡魂。
斷地逮役。度上南宮。七月長齋。誦詠是
經。身得神仙。諸天書名。黃籙白簡。削死
上生。十月長齋。誦詠是經。爲國王帝主。

君臣父子。安鎮國祚。保天長存。世世不絕。常爲人君。安鎮其方。民稱太平。八節之日。誦詠是經。得爲九宮真人。本命之日。誦詠是經。魂神澄正。萬氣長存。不經苦惱。身有光明。三界侍衛。五帝司迎。萬神朝禮。名書上天。功滿德就。飛昇上清。

上陽子曰。如世法則。正月長齋。誦詠是經。正月爲一歲之始。四孟之首。乃天官上元大慶之月。精思不替。曰長。守心戒慎。曰齋。是謂正月長齋。口念聲揚。曰誦。行坐常吟。曰詠。是爲誦詠是經。青元真人曰。正月爲四始之首。天地通泰。万物更生之時。乘天官考較之格。長齋誦經。度上世亡。竟斷絕地司連繫之苦。度上南宮也。道用則爲進火之月。采藥之時。皆爲身中修行下工之宜。內我曰正月屬寅。修丹采藥。以寅申爲起伏之候。寅乃陽起之候。欲於甲時行功。則於寅時先守。以至甲時施用。長齋者。清心也。誦經者。攝氣也。清心攝氣。是爲采藥。上世亡。竟乃身中積陰之氣。陽氣雖從子上發生。一

陽在五陰之下。至于寅時。猶陰陽相干。陰上陽下。鬱而未暢。故曰**逮役**。至于申時。以法薰蒸。陽氣奮發上騰。入于离宮。得不謂之**斷地逮役**。度上**南宮**乎。蓋經中所言朱宮。或言南昌上宮。或言朱陵。或言南宮者。皆离宮也。离必以坎為應。故**張真人**曰。取將坎位中心實。點化离宮腹內陰。是也。**七月長齋**。謂是經身得神仙。七月屬申。乃陽伏之候。欲於庚時行功。則於申時先守。至於庚時。運汞投鉛。鼎中成寶。亦名采藥。亦鑄鼎器。陽氣日盛。陰炁日消。所謂純陰鬼也。純陽仙也。陽氣既壯。即得仙之漸。功滿氣足。神化脫胎。真人出現。故曰**身得神仙**。得道之士。豐岱落其死籍。移注仙籍。膺圖受錄。乃獲上昇。故曰**諸天書名黃錄白簡**。也。**月長齋**。誦詠是經。內義曰。采藥足備。鑄鼎圓成。預先十月入室。調和神氣。去冬至十五日為始。謹存神於腎間。謂之築固靈根。使根源本始。神氣俱生。身猶國也。神為身之主。氣為神之臣。神滿氣盈。百骸俱理。丹成質蛻。久視長生。骨肉同飛。形神俱妙。一如經之謂矣。**八節之日**。誦詠是經。得為**九宮真**。

八節。八卦也。入室運符進火。以冬至日子時為首。起火。神存在腎。陽火運行。其神隨逐而進。腎中根也。神室蒂也。自根至蒂。根蒂相連。結胎成果。一舉三時。自子至丑。自丑至寅。金火逼逐。歸還神室。金丹漸結。應冬至立春節。屬坎艮卦。至卯時沐浴。

辰時進火至巳。金火逼逐還至髓海。應春分立夏節。屬震巽卦。陽火至極。午時運符。至未至申。金水推運。從雙關鵲橋入室。包固玄珠。應夏至立秋節。屬离坤卦。至酉沐浴。戌亥運符。真氣歸源。一陽來復。應秋分立冬節。屬兌乾卦。周而復始。循環不已。蓋促一年之功。於一日之內。以應八節。凡此運用。陽火陰符。皆歸中宮。長養聖胎。十月氣足。寶鼎功成。脫胎神化。是爲真人。夫八卦環列。外實中虛。丹體居中。易曰。八卦成列。象在其中。此其所以爲九宮真人也。又世法釋八節之目。是太乙司命。領諸官吏。紀錄世人罪福功過。有功則舉。有過則罰。其日誦經。乘保舉之格。爲九宮真人。本命之日。

是經竟神澄正萬氣長存。人身三竈。一竈居直本屬宿宮。一竈居地府。一竈居形內。七鬼常在身。七鬼使人昏姪。三鬼喜人爲善。遇本命日。鬼神降體。就尸合同。循環歸降不絕。則生人安穩。災病不生。本日清淨身心。不酒不色。更永焚香。誦經習善。坐不睡眠。卽得竈與鬼合。竈屬陽。鬼屬陰。陰陽相和。道氣內降。命根堅固。身體清安。若以酒色昏亂形體。竈歸一見。去身七步之遠。取合不能。穢惡衝射。竈乃復去。七鬼因竈不能來合。則其陰炁愈盛。鼓舞得志。肆情恣慾矣。若三度昏亂。竈不得合。鬼者。則陽衰陰旺。七鬼與陰鬼交通。但思淫亂。夫七鬼各有名。曰。尸狗。伏尸。雀陰。吞賊。飛毒。除穢。臭肺。尸

狗主貪。伏尸主食。雀陰主姪。吞賊主偷。飛毒妄想。除穢敗善。臭肺主一切煩惱。以其不善。故名亦惡。人但念頭不正。即便引入邪道。耽滯酒色。游夢衆惡。汚濁穢行。迷亂多睡。耗精疲神。喪氣多病。惱亂至死。彼却紆快。若於**本命之日**。精心行善。誦經行道。每每不倦。有進无退。善功徹天。則如經之應感。功滿德就。則飛昇也。**許慎**。若靈寶淨明度人經。云有十母忘。其中最切者。毋忘剛潔。謂人剛則有守。不行姪邪。潔則戒行。不貪飲食。不淫則不損身之精神。戒食則不殺物之性命。故夫飲酒好色。而誦經論道者。其罪最重。此皆**世法**釋也。若言道用。尤有妙理。夫**本命之日**。是采藥入室之日。是還元返

本之日。是歸根復命之日。故一年之內。止有此日。此日之中。唯在一時。一時之間。只用二刻。是攢簇之法也。攢七十二候於一日。簇三萬六千正氣於一時。比一時得六候。止用二候。誦經煉丹。則一時中。尚餘四候。別有妙用。須在心傳。此爲**本命之日**也。**彭真**人曰。初則全无形質。一如鴻濛混沌之中。既經起火運符。便應元年滋產。此爲**本命之日**。受氣之初。**參同契**曰。冠婚氣相紐。元年乃芽滋。**內義**曰。若火候畢。行脫胎神化之道。聖胎存於髓海之中。以周星六十日爲期。本命一周。以合周星之數。忽然如霹靂之聲。天門裂開。聖胎脫出。凡蛻爲仙。長生不死。魔王保舉。諸天奉迎。功備德隆。飛騰可

待。李昌齡曰。功者日用之謂。德者日新之謂。苟能
閔閔焉。如農夫之望歲。汲汲然。如商賈之營財。今
日積德。明日累功。所謂地仙三百善。行之只在一
年。天仙一千三百善。行之只在四年。第人雖行。多
至中廢。爲心不堅故也。紫虛元君曰。傳先生少好
道。入焦山石室七年。忽遇太極真人。授以木鑽。使
穿一磐石。戒曰。石透吾當度汝。石厚五尺餘。傳穿
之不息。積四十七年。石忽穿透。太極真人果來度
之。此心堅之至。況誦經行道。而精進者乎。

頌曰

三月長齋誦是經 諸天上聖爲書名
人知本命詠經日 日用之間顛倒行

道言行道之日。皆當香湯沐浴。齋戒入
室。東向叩齒三十二通。上聞三十二天。
心拜三十二過。閉目靜思。身坐青黃白
三色雲氣之中。內外蒼冥。有青龍白虎。
朱雀玄武。獅子白鶴。羅列左右。日月照
明。洞煥室內。項生圓象。光映十方。

如此分明
家規曰

貪羅鬱羅符无蘇陀太冲太極陰陽包和出入
无入生出死鬼神莫測變化自然元始混炁玄中
之玄上干有極下洞大淵誦之一遍沈痾自痊煉
竟浴鬼真陽自全齋戒禮誦萬過飛仙无上秘呪
受命綿綿重宣心呪貪羅洞明玉清上極梵炁
氤分靈布炁降注付身形神俱妙與道合真臣身
得道七祖飛昇垂如金格統攝萬靈急急如元始
玄都律令

无上玄元太上道君召出臣身中三五
功曹左右官使者侍香金童傳言玉女

五帝直符直日香官各三十二人關啓
所言今日吉慶長齋清堂修行至經无
量度人轉經受生願所啓上徹逕御
无上三十二天元始上帝至尊几前

畢引氣三十二過東向誦經

上陽子曰此經實修行之旨示祖氣之真所以直
言行道之日而不曰誦經之日者要知經卽丹也
丹卽道也道卽經也非道則不出經非經則不出

丹非丹則不成道。一定之理。更无別途。此當以道
用與世法通釋。夫行道有二。有內行道。有外行道。
今先指外行道。沐浴齋戒。嚴設壇墀。燒香誦經。步
虛朝贊。爲外行道。**東海青元君**曰。以五香水。持呪
洗身。此外沐浴。大行梵炁。周回十方。以至中理五
炁。混合百神。是內沐浴。者。非止禁茹葷穢。且先
屏絕姪慾。然齋心。可以防患。戒性。可以消炎。入室
者。入靖絕塵。身心專注。可與神靈交通。**東向**爲長
生之方。召集生氣。**叩齒**之法。左爲天鐘。右爲天磬。
召仙靈也。中爲天鼓。朝奏上聖。**心靜**者。身形不動。
專意存禮。**閉目**者。收視內觀。氣乃凝寂。**青**爲玄一
之氣。**黃**乃元一之氣。**白**乃始一之氣。**黑**乃終一之氣。

法三清。坐而存之。神明白見。**內景**外境。豁然冥合。
次存**青龍**。自肝出居左。**白虎**。自肺出居右。**朱雀**。自
心出居前。**玄武**。自腎出居後。**四子**。**白鶴**。各以六數
存之。自六腑而出。分左右。左目化爲日輪。現紫赤
之光。九重。右目化爲月輪。現黃白之光。七重。與身
相去三尺。**光明**煥爛。射入鼻中。通腦後。入金華宮。
結成圓光。大如車輪。以前**青黃白三色**相間。是爲
九色圓象。以此光明。遍照十方。然後念前密呪。密
者。不出聲也。呪畢。關告如前。關告畢。**東向**端坐。存
所出身中四獸等神。在前聽法。聞經。然後出聲琅
誦。不得雜想。接談。間斷經法。如對君父。无少懈怠。
務在感通徹天也。此乃外行道。皆**世法**之當然。若

以內行道。則是道用。其事迥別。何以故。世人看經。只看過了。不知經中是一大修行教。指人行此經中之道。故云**行道之日**。而不言看經之日。修煉內丹。則有**入室**下工。故云**入室東向**。而不言登壇升堂者。皆修還丹之說。蓋經者。敬也。天尊說經。令下愚之人。知所歸敬。則心向善。不作非爲。存神養氣。可以無災。若不沐浴齋戒。更衣入室而誦者。反招殃譴。若上士至人。則行經中之道。故云**行道之日**。經卽道。道卽丹。修丹方有**入室**之事。故云**入室東向**。凡煉還丹。先須煉已存心。故云**沐浴**。有道之士。先絕慾想。故云**齋戒**。愚人不知此事。却乃高聲念將過去。何謂**行道**。曰。修還丹也。何謂還丹。曰。必須

師指。故**純陽真人**曰。不因師旨。此事難知。**老君**曰。吾非聖人。學而得之。故學丹。必先求師。不可妄自猜說。旣得師傳。先須煉已。何謂煉已。曰。去慾念。養精氣。故**純陽**曰。先須煉已待時。旣能煉已。須結丹友。以爲外護。**劉海蟾**云。箇事非常事。尋人未得人。**陳泥丸**云。若无同志相規覺。時恐爐中火候非。旣得其侶。先尋爐鼎。**悟真篇**云。先把乾坤爲鼎器。次搏烏兔藥來烹。旣得爐鼎。然後擇日。何謂擇日。**紫陽真人**曰。鉛遇癸生須急採。又曰。甘露降時天地合。卽此是也。得其日。又得其時已。須行卦氣。故**悟真篇**曰。取將坎位中心實。點化離宮腹內陰。所以**叩齒**三十二。**心經**三十二者。環六十四卦也。**開目**

靜思者伯陽真人曰耳目口三寶閉塞勿發通真人潛深淵浮游守規中也身坐青黃白三色雲氣之中者我師緣督子曰先天一氣自虛無中來青炁是汞白炁是鉛黃炁是土以其汞鉛未合藉土合之紫陽曰序云追二氣於黃道會三性於元宮攢簇五行合和四象龍吟虎嘯夫唱婦隨方知因外合真四獸羅列日月照洞煥室內項生圓象如也此中者既者大音希聲之謂此之謂行道此之謂誦經此之謂內外二景煉丹既就然後關告而身中魂魄皆化為神矣

頌曰

入室之功却妄情 誦經行道早修行
傳言玉女先關啓 三十二天次第昇

元始无量度人上品妙經

三教弟子福唐不二氏翁紹參刊行

元始初開无量品 一音纔出衆知聞

法燈自許時人續 不但天尊與道君

上陽子曰經者道也敬也道則遵之而行敬則守之勿失世知所敬者三寶也夫三寶實妙道之宗以道用釋則曰身中三寶以世法釋則曰教中三寶其身中三寶有二事也曰教中三寶有二說也今言教中三寶曰道經師三寶有今科古科三寶

此二說也。道乃元始玄一之祖氣。以生天地人物。是爲道寶。經乃玉晨道君演元始玄一之道。爲萬世梯筏。是爲經寶。師則老君降授張天師經錄。以傳世流教。是爲師寶。教之源流實遵天師。而亦有二說也。故教中以前三寶爲今科。以後三寶爲古科。而其號稱亦異。此**世法**化俗之說。若言**道用**。則是身中三寶。有二事也。元始玄一至真之精。曰天寶。亦曰道寶。上清金液先天之氣。曰靈寶。亦曰經寶。混元无極至真之神。曰神寶。亦曰法寶。此身中之三寶。非此三寶。不能還丹。不能成佛。不能成仙。而三寶大有金書言。天寶靈寶神寶。皆分氣而化。亦身中之三寶。若論還丹金液之道。則身中三寶。

又有二說。神氣精爲內三寶。耳目口爲外三寶。能尊其外三寶而不妄動。則內三寶方結還丹。而成胎嬰也。故夫真文寶符。龍章鳳篆。玉笈金書。三洞奧典。三十六部。萬八千篇。皆出於三寶中。曰經。所以經卽丹也。卽先天之一氣也。此度人經。乃玉晨道君演元始之道。以授玄一真人。玄一授天真皇人。天真皇人依道君所傳。書而成文。以爲經。故每章以道言置首。唯本章與玉曆二章。不題道言。乃皇人直以元始之道而書之。然皆道君之所授。今人以有道言者爲序。无道言者爲經。非也。有誦二章。而不誦前經者。尤非也。前標太上洞玄靈寶无量度人上品妙經者。皇人所標也。此則直標元始

无量度人上品妙經者。道君所標也。然經之源流所傳亦別。而諸經皆出於道君。故道君爲經寶。經體道而行。道因經而用。若論金液還丹。則經先丹而行。丹後經而用。借經表丹。則曰先天。无上靈寶九還金丹。假道說經。則曰元始。无量度人上品妙經。



元始先天神氣精 玄功无量最神靈

度人度我須人度 上品丹方是妙經

元始洞玄靈寶本章。上品妙首。十廻度人百魔隱韻。離合自然。混沌赤文。无无

上真。元始祖劫。化生諸天。開明三景。是爲天根。上无復祖。唯道爲身。五文開廓。普植神靈。无文不光。无文不明。无文不立。无文不成。无文不度。无文不生。是爲大梵。天中之天。鬱羅蕭臺。玉山上京。上極无上。大羅玉清。渺渺劫仞。若亡若存。

三華離便大有妙庭金闕玉房森羅淨
靈大行梵炁周廻十方中有度人不死
之神中有南極長生之君中有度世司
馬大神中有好生韓君丈人中有南上
司命司錄延壽益筭度厄尊神回骸起
死无量度人今日校錄諸天臨軒

上陽子曰此章渾是道用**元始**太極未分先天之
祖氣洞玄三洞玄奧萬法之真宗**靈寶本經**性也
有也體也命之應也玄之根也**老子曰**有物混成
先天地生是以能生物生人也**上品妙道**命也无
也用也性之應也牝之門也**紫陽真人曰**白虎首
經至寶華池神水真金以其能生佛生仙也廻者
復也還也在經則曰**十廻度人**在丹則曰九還金
丹此經所以爲三洞之冠者在一度字也求仙作
佛必先明度字方能復此元陽真氣以結還丹**百**
魔隱韻身中六根八識三魂七魄三部八景二十
四神未知行道之人皆爲其汨亂心君引歸慾界
故曰百魔今旣修煉大丹則百魔受制更无惱試

離合自然。蓋還丹之道。雖曰有爲。而非強爲。一離一合。皆出造化之自然。**悟真篇**曰。二物會時情性合。五行全處虎龍蟠者。此也。**混洞赤文**。卽本來之真性。不壞之元神。**青元真人**曰。元爲萬物之根。立乎大象之首。運化而无窮。始爲恍惚之初。在乎萬物之先。獨尊而變遷。**洞玄**。洞觀玄一。化度天人。**靈寶**。在天曰靈。在世曰寶。**本章**具載修真合道之本。**品**。獨得其玄。方便設教。**妙首**。衆妙之首。萬法之宗。天地虛妙而清。陰陽同妙而純。日月含妙而明。五行合妙而精。萬物盡妙而真。**內義**。曰。上中妙首。金液還丹。无上妙道之冠。**十迴度人**。十月之功。度世爲仙。**百魔隱韻**。丹之異名。**離合自然**。喻金木間。

隔復能互并。水火相尅。復成旣濟。自然而成。造化。**混洞赤文**。萬物之本源。衆生之真性。一氣之祖。萬神所宗。**西昇經**曰。虛无生自然。自然成大道。夫道者。无形无體。卽先天一氣。而化生萬物。爲天下造化之本。修金丹者。體循造化。以虛无自然。先天真一之氣。名曰空氣金胎。生金母而作丹基。此氣父母未交之前。與混沌同體。故曰**混洞**。父母構精之後。此氣歟然感附。謂之陽精。喻爲銀鑛。名曰元神。藏在坤宮。故謂之性。卽本來面目。未生之前。謂之陰金。已生之後。謂之陽鉛。是爲五金之母。**參同契**曰。逕指天地之靈根。將爲藥祖。明示陰陽之聖母。用作丹基。天地混沌之先。此氣結而成玉字。故曰。

赤文乃无上可上。至真妙道。故曰**无无上真也元**
始**初****化生諸天**元炁始炁於祖初初。化分三炁
爲生三天。曰清微天。禹餘天。大赤天。三天之炁。化
分九炁。而生九天。曰始青天。青元天。始丹天。太丹
天。始素天。大素天。始玄天。大玄天。青微天。九天炁
炁化分而生九霄九天。曰大霄。暉明流光素景天。
青霄元真寶曜天。**碧霄**總生開靈傳道天。**絳霄**大
平應化道主天。**丹霄**中極至妙變空天。**玉霄**皓元
威德耀晶天。**琅霄**飛青元關傳濟天。**紫霄**合景雙
闕化身天。**神霄**玉清妙景太有天。九霄炁炁化分
下生九天。卽生神九天。**一**南方鬱單无量天。**二**西
北禪善无量壽天。**三**東方梵監須延天。**四**西南寂

然堯術天。**五**東南波羅尼密不驕樂天。**六**北方混
元化應聲天。**七**西方靈化梵輔天。**八**東北高虛清
明天。**九**中央无想无結无愛天。又生大羅上清玉
真三十六天。下生四種民天。種民天之下。一百五
十五萬八千里。生无色界四天。无色界之下。三十
六萬里。生色界一十八天。色界之内。有輕塵六天。
細塵六天。麤塵六天。色界之下。三十萬里。生欲界
六天。欲界之下。五百二十億萬里。化生五億諸天。
八圓世界。四種民天之上。布日月星辰。主持萬物。
故曰**開明****二景**人之生。亦類是也。父精母血。包于
母腹。精血未凝。如珠似露。凝結之後。生形五瓣。頭
與四肢。男子先生左腎。次右命門。女則反是本性。

繼種於兩腎之間。妙化之氣。自然生發。次則上生兩瞳神水。以至化生五臟六腑。九竅百脉。筋骨齒髮。氣足形全。脫胎而生。故**老君曰**。天地構精。陰陽布化。**一月**爲胞。精血凝也。**二月**爲胎。形兆胚也。**三月**陽神爲三魂。動以生也。**四月**陰靈爲七魄。靜鎮形也。**五月**五行分五臟。以安神也。**六月**六律定六府。用資靈也。**七月**七精開七竅。通光明也。**八月**八景神具。降真靈也。**九月**宮室羅布。以定精也。**十月**氣足。萬象成也。故神布氣滿。三萬六千關節。根源本始。一時生神。此爲**化生**。諸天開明。三景是爲**天根**。**本地經曰**。夫道得三乃成。故三合成德。道不滿二。諸事不成。以內言之。則曰鉛汞砂。直指其物。則

我真性。并日用妙。化陰陽二炁。合而成三。**上**我**祖唯道爲身**。**老君化胡經曰**。道者元氣虛无。天地從之而生。萬物資之而形。皆祖氣之妙化。在道。則曰金丹。故曰**上无復祖唯道爲身也**。**五文開廓普植神靈**。在丹。則一氣復而變造五行。五行具而成金胎。在經。則玉字出而結爲赤文。五文具而植神靈。五行者鉛汞砂銀土。天一生水。坎中藏鉛。地二生火。離中產砂。天三生木。震龍主汞。地四生金。兌虎體銀。天五生土。中宮結丹。道非此不光。文非此不明。身非此不立。丹非此不成。氣非此不度。藥非此不生。是爲**天炁**。**天中之天大炁**者。先天氣凝而五行大備。**天中之天**者。身中有身也。**鬱羅蕭臺**。腦

際也。**玉山土京泥丸也。上極无上泥丸之上。大羅**
玉清太玄也。太玄內秘一機。名日月高奔。神化脫
胎之要。**黃庭經曰**。高奔日月吾上道。乃見玉清虛
无老。**渺渺劫似**至高至尊。**若亡若存**。即張真人云
視之不可見其形。及至呼之又却應。**三華離便頂**
顛屬南。南本三數。頂爲華蓋。又曰圓蓋。南屬離。離
爲午位。三華爲金華。玉華。九華。內丹已結。而頂有
三華。**大有妙庭**。即上丹田。乃百關總會之穴。**金闕**
玉房。日宮爲金闕。左日也。月宮爲玉房。右月也。森
羅。星宿也。言日月星宿列布。而一身九竅靈澄。**太**
行梵氣。即先天妙氣。周迴十方。言妙氣營衛全胎
神室。溫養大丹。如上皆道用略註。尚有至妙之妙。

心傳方可。內景既露。外景須明。今復釋以**世法**。庶
幾賢愚各具眼目也。**混沌赤文**。自混沌之氣結而
成赤文。文字既出。而妙經行。妙經行。則祖氣具在
人身。散分于物類之內。是曰**无无**。眞之謂也。**元**
始祖劫化生諸天。元始以道祖而鎮大劫。以祖炁
劫化生諸天。祖炁分三炁。而隸大羅三清之界。故
曰**開明三景**。要知此炁遇大劫而不壞。故曰**是爲**
天根。此炁即太極之始炁。而生天生地。生五行。生
人物已。故曰**上无復祖**。道之在人身。亦猶炁之在
天地間。故曰**唯道爲身**。赤文立而**五文開廓**。經法
行而**普植神靈**。世无經文。則不能光明。不能成立。
不能自度。自生。是經爲**大梵**。極品之音。**天中之天**

卽三清大羅聖境。大者。覆蓋萬天。羅者。包羅三界。中有玉京山。周廻八萬里。下與崑崙對立。山有**羅蕭臺**。臺有七寶城。上極无上有玉清殿。又有**三華離**便之宮。大有妙庭。皆天尊宴息之所。**金闕王房**。瑶池翠水。森羅列布。皆憑**炁**。炁周回運轉。故得久而長存。此中有**度人**不死之神。卽元始分化之號。**南極長生君**。卽朱陵大帝。治大微垣。司火煉之事。**度世君**。主陽九百六之變。**司馬君**。主滅邪却試。**好生君**。卽青華之別名。主詮校**韓君**。主南昌品秩。學人**司命司錄**。主功過予奪。**延壽益壽**。主增注年命。**度厄之神**。主消平厄難。**迴骸起死君**。主升度死魂。飛尸登晨。今天尊說法。臨集帝軒。較圖檢錄。品

度學人。如人身與玉京无異。**金闕玉房**。丹田泥丸。眞然列布。若一身神炁充滿。則長生不死之神居其中。亦如玉京之炁。炁周回而无壞。

頌曰

玉京山上鬱蕭臺 上品經詮演十廻
普植神靈行炁氣 三華離便五文開

東方无極飛天神王長生大聖无量度人
南方无極飛天神王長生大聖无量度人
西方无極飛天神王長生大聖无量度人

北方无極飛天神王長生大聖无量度人
東北无極飛天神王長生大聖无量度人
東南无極飛天神王長生大聖无量度人
西南无極飛天神王長生大聖无量度人
西北无極飛天神王長生大聖无量度人
上方无極飛天神王長生大聖无量度人

下方无極飛天神王長生大聖无量度人
十方至真飛天神王長生度世无量大
神並乘飛雲丹輿綠輦羽蓋瓊輪驂駕
朱鳳五色玄龍建九色之節十絕靈旛
前嘯九鳳齊唱後吹八鸞同鳴獅子白
鶴嘯歌邕邕五老啓途羣仙翼轅億乘

萬騎。浮空而來。傾光迴駕。監眞度生。

上陽子曰十方飛天大聖。皆元始道炁分形。東方
諱 **摠**南諱 **飛**西諱 **雲**北諱 **无**鏡東北諱 **梵**東南諱
那郁西南諱 **度仙**西北諱 **鏤**无上方諱 **瑛**下方諱
落一曰十方長生大聖。一曰十方救苦天尊。奉元
始命。掌十方三界校量功德。開度无量。總括生死。
陶鑄學人。**藏經**載八方諸天。皆有无極大千世界。
東方无極諸天。安大堂鄉。大千納善世界。**南方**无
極諸天。宛黎城境。大千弃賢世界。**西方**无極諸天。
福堂洲。大千咸行世界。**北方**无極諸天。鬱單野。大
千清淨世界。**東北**无極諸天。福集都。大千長安世

界。**東南**无極諸天。元福田。大千用賢世界。**南**无
極諸天。延福鄉。大千仁靜世界。**西北**无極諸天。福
德野。大千延賢世界。**上方**上清玉眞三十六天。玄
都无極世界。**下方**黃曾三十二天。八圓无極世界。
无量 **大神**主。監得道長生度世之事。**青元真人曰**
輿輦輪蓋。皆陽精之炁所成。鳳鶴龍鸞。乃陰精之
炁所化。上聖之人。其眞常之道。呼吸合散。隨意現
前。陰陽炁諧。如歌似曲。皆氣所爲。並非外物。人若
還丹功成。陰魔亦化陽神。元氣一呼。萬神咸聽。五
臟神靈。各隨方色。自現輿輦儀衛來迎。百骸衆神。
前導後從。并舉朝元。與此無異。**五老啓途**東方青
靈始老姓。**闕**諱開。字靈威。仰南方丹靈眞老姓。**和**

諱極炎字赤熛怒中央元靈元老姓通諱元氏字含樞紐西方皓靈皇老姓上金諱昌開字曜魄寶北方五靈玄老姓果節諱靈會字隱侯局十方大聖道位高尊乃感五老降金而羣仙翼轅乘萬騎浮空而來然皆法身之神丹經有曰神御氣氣留形傾光廻駕玉光飛雲廻旋天尊之法座領監衆真較度羣品以丹言則傾光廻駕乃坎离既濟陰陽已交真神化生溫養胎室故曰監真度生

頌曰

无極天真集藥宮 丹輿綠輦御浮空
傾光廻駕羣仙慶 陽長陰消妙化功

諸天丞相南昌上官韓司主錄監生大神執錄把籍齊到帝前隨所應度嚴校諸天普告三界无極神鄉泉曲之府北都羅酆三官九署十二河源上解祖考億劫種親疾除罪簿落滅惡根不得拘留逼合鬼羣元始符命時刻昇遷北都

寒池。部衛形。覓制魔保舉。度品南宮。死
覓受煉。仙化成人。生身受度。劫劫長存。
隨劫輪轉。與天齊年。永度三塗。五苦八
難。超凌三界。逍遙上清。上清之天。天帝
玉真。无色之境。梵行。

陽子曰此道用**世法**兩事俱明**世法**兩事俱明
天天各有丞相。一云。卽大羅神公。**南昌**卽朱陵火

界。**上宮**卽朱陵火府。**韓同**宮中丈人。卽司命也。主
煉度文籍之事。**主錄**乃天中宰。協侍宸主。錄勒籍
之司。**監生**主生覓鑄魄也。太上說經。各持錄籍。**內**
司校其應受度者。或宿名玄圖。骨相合仙。或
修齋奉戒。功德積感。或敬奉三寶。善功徹天。或供
養師寶。爲三官所稱。名在諸天者。各爲嚴行考校。
據功量品。隨其高下。應受升度也。以道用則**執錄**
和籍元始氣分。而陰陽判。三才旣立。而文籍生。**因**
義曰顯諸仁。則爲錄籍。藏諸用。則爲陰陽。幽明无
錄籍。功罪何所記。天地无陰陽。造化何由成。故帝
前。卽中宮神室。帝之所御。四海輻湊。神之所舍。萬
氣混凝。喻陰陽交會于中宮神室。故曰**執錄****和籍**

齊書前天尊說經的非虛言。欲人行其道耳。修學之人。且當改過遷善。守戒防淫。去詐息機。清心寡慾。嗟夫。世人逐末忘本。賤命輕身。英雄豪傑者。爲功名所役。聰明特達者。爲進取所羈。衣食富足者。爲營計所籠。貧窮困乏者。爲口體所累。其有出塵之士。只樂逸豫。以爲清淨。無爲是修行。誤矣。何能得陰陽交會於神室哉。**隋書**金丹之道。要實工夫。隨功受報。十分工夫。有十分受用。一或滅裂。其報亦滅裂。雖所修至密。所爲莫知。然渺渺大羅之天。无不嚴校而紀錄者。**普告三界**。欲界。色界。无色界。亦天地水三界也。**元極神御**。十方无極世界。亦三界神庭廟社。**泉曲之府**。北有大海。人身則

號爲泉曲。其穢惡黑腥。莫測邊際。爲江海之要府。停錄罪竟。**北都羅酆**。太極之初。清炁上爲圓蓋。半清半濁之炁。中爲人物。重濁之炁。凝爲羅酆。在北陰之癸地。高萬餘里。周迴數千里。上參碧落。下際風泉。黑鬱之氣。盤礴其中。山有六洞宮。一曰糾絕陰天宮。二曰泰殺諒事宗天宮。三曰明晨耐犯武城天宮。四曰恬照罪炁天宮。五曰宗靈七非天宮。六曰敢司連宛屢天宮。每宮各有魔王主之。人能持此六宮名。常生敬畏者。則魔王保舉。削落罪名。**三官九署**。三官爲三元。上元在山之阿。去天爲近。天官領之。主校功錄善。升降品秩。中元在山之左。地官領之。中有靈獄。主治罪竟。爲追呼之府。下元

在山之右。去風壘近。水官主之。下有九囚大獄寒
冰之庭。主治重罪鬼囚。**九署**九壘。土皇九令之司。
又有天上三官。天官隸玉清境。置三宮九府。三十
六曹。官僚皆化氣爲之。總主上眞玉虛高皇上帝
諸天帝聖。及世男女生命錄籍罪福。學道仙籍。中
元地官。隸上清境。置三宮九府。四十二曹。官僚皆
世人有功高德重者爲之。總主五岳諸眞。得道神
仙九地土皇八極諸靈官。下元水府。隸太清境。置
三宮九府。四十二曹。官僚皆世人積善建功者補
充。總主水帝河海九江水府。及仙簿人民生死功
過。三元各有三宮九府爲**九署**也。**十二河源**。一切
水際分治罪竟之所。天尊說經。倭爲學人**上經**。

考德劫支親削除三惡罪根。更不拘留。乘元始九
龍符命而昇遷也。**北都寒池**。酆都洞陰之境。有朔
單鬱絕之都。五氣天君主之。九地之中。北陰天君
主之。九水之中。大溟水帝主之。總號北都。中有三
界大魔。五帝考官。巨天力士。勾校罪竟之神。夫人
生爲陽竟。死爲陰魄。若竟魄散亂。莫可執持。令其
部衛形竟。使不散壞。乃得**制魔保舉度品**。南宮度
品者。若積諸善根。則受煉仙化。若无功過。受度人
身。若修行至經功滿。則**生身劫劫長存永度三塗**
一天塗。色慾門。上尸道。二人塗。愛慾門。中尸道。三
地塗。貪慾門。下尸道。此爲在世三塗。如地獄。鬼趣
傍生。爲陰界三塗也。**五苦**者。色累苦心門。愛累苦

神門貪累苦形門華競苦精門身累苦竅門夫學
仙者被此三塗五苦所遇故云**八難**若能度之便
超三界也若論還丹則**普告三界**三丹田也**元極**
神鄉一身萬神之所**泉曲之府**即慾海也**北都羅**
豐乃愛根也學人不去愛根則汨沒于慾海**三官**
九著即身中三元九宮**十二河源**人身有十二愛
河之源**上解祖考**人為妄想所迷嗜慾所汨昏濁
沉滯不得清明如人祖禰拘滯鬼羣之比修煉者
要萬炁朝生門百神守死戶**疾除罪簿**頓除慾想
落滅惡根永絕妄緣則出類拔萃更不**逼合於鬼**
羣元始符命即先天之真炁符竅也永也陽中之
陰龍之弦炁也**命妙也**鉛也陰中之陽虎之弦炁

也**經云**常无欲以觀其妙常有欲以觀其竅故**先**
哲云書符不知竅反被鬼神笑**老子曰**窈兮冥其
中有精其精甚真其中有信此信即符信也此為
元始符命其以**元始真炁**符合**命門**之祖炁何哉
夫人之身稟元始祖炁而生至于盛壯蹶趨於醉
夢之場而此氣奔失若修行人先煉陽中之陰以
畱真汞次煉陰中之陽而求真鉛一**時刻**中凝結
成丹則可觀**升遷**矣**北都**即性根蕃生真汞**寒池**
即命門蕃生真鉛當此鉛汞交姤性命混融直須
把握一念**部衛形鬼**若形全竅復脉住炁停還丹
始結故能**制魔得舉度品南宮**所謂枯槁形骸將
死之竅受此鉛火煉度得神仙妙化之道以成真

人矣。生身受度。天尊顯此而證出還丹之旨。蓋此經非只爲死者言。乃修行人生身受此真炁。以度且生身。則陰陽可全。而造化可掬。學人能以有生之身。倒用五行。修此大丹。以成高仙。則劫劫長存。隨劫輪轉。與天齊年。永度八難之苦。超欲界色界无色界。凌四種民天。而造越上清。薛幽棲曰。上清有三十六天。天帝皆道齊元始。位列玉清。故云。真在无色之境之上。出造化之外。憑炁炁而行。出入无間。非如三十二天。在乎三界之內也。故曰梵行。

頌曰

天帝玉真六六天 丹成道備與齊年

形神俱妙經功滿 劫劫長存位上仙

他本有以此天帝名諱。作元始靈書上篇者。非也。殊不知天公經云。大羅天。自有靈書上篇。并觀覺鬱繼。龍篆正文。在靈書中篇前。蜀本或置于下篇。亦非也。元真人曰。當從天公經是矣。

東方八天

色界天帝冕服皆青

太皇黃曾天

帝鬱繼玉明

元始積九陽梵炁以成六天。爲欲界。三天爲異號。淨天或稱觀史。色黃。次奎壁。人修十善功。初出凡一根淨者。生此天。釋云。四天王天。正音開玄攝明天。帝內諱鬱繼帝魔隱音玉明。四字秘天之紫極宮主長生錄。

太明玉完天

或稱勝妙天。色綠。次壁。人修二十善功。二根淨者。生此天。釋云。忉利天。

帝須阿那田

正音保玄道靈天。正內文須阿隱音。那田四字。秘天之紫房宮。主度魂更生。

清明何童天

異號光天。色黑。次室。人修四十善功。三根淨者。生此天。一作河童。釋云。夜摩天。

帝元育齊京

正音明生九真天王。隱諱元育真人。內文齊京四字。秘天之九晨宮。主布政教。

玄胎平育天

異號梵天。或稱忉利。色赤。次危。人修六十善功。四根淨者。生此天。釋云。兜率陀天。

帝劉度內鮮

正音飄翰默然天帝。隱名劉度內鮮四字。秘天之元景宮。主召魔舉仙。

元明文舉天

或云化樂色。蒼次虛。人修八十善功。五根淨者。生此天。釋云。樂變化天。

帝醜法輪

正音開生舒天帝。內文醜異號法輪三字。秘天之廣寒宮。主通行元炁。

上明七曜摩夷天

異號化樂。謂欲樂之極色。黑姿。人修一百善功。六根淨者。生此天。釋云。化化自在天。

帝恬愴延

正音延虛明天帝。內音恬愴。隱號延三字。秘天之太陰宮。主開度幽難。

虛无越衡天

或云初梵。色碧。次牛。天人六根雖淨。尚拘色塵。乃升此天。釋云。初禪梵眾天。

帝正定光

正音鏡無翹天帝。內文正定光三字。秘天之太玄宮。主无上道。

太極濛翳天

帝曲育九昌

南方八天

赤明和陽天

帝理禁上眞

玄明恭華天

或云**上梵**色紫次斗天人一龕塵淨升此天亦號初禪天釋云梵輔天

正音阿難淨明天王隱號**曲育**總文九昌四字秘天之玄都宮主煉度朽骸

元始積三陽梵炁以成八天屬色界四天爲龕塵四天爲細塵青冕赤旒朱服

或號少光色白次箕斗天人二龕塵淨升此天亦號初禪天釋云大梵天

正音治安保仙天王隱號理禁上眞四字秘天之長明宮主煉仙成眞

或云**光音**色黃次箕斗天人三龕塵淨生此天亦號二禪天釋云少光天

帝空謠醜音

耀明宗飄天

帝重光明

竺落皇笏天

帝摩夷妙辯

虛明堂曜天

正音飛音氣靈天帝內文空謠醜音四字秘天之東華宮應化一切

或云**无量光**色綠次尾天人四龕塵淨生此天亦號二禪天釋云无量光天

正音翹眞英天帝總號重光明三字秘天之浩元宮主劫終學仙之人

異號**初淨**色青次心天人五龕塵淨生此天亦號二禪天釋云光音天

正音難玄明天帝隱諱摩夷內音妙辯四字秘天之清寧宮主魔試學人

異號嚴淨色赤次房天人六龕塵淨尚有細塵生此天釋云少淨天

帝阿伽婁生

正音彌論玄明天帝隱音阿伽梵號婁生四字秘天之重華宮主度學人

觀明端靖天

異號遍淨色蒼次氏天人一細塵淨生此天亦號三禪天釋云无量淨天

帝鬱密羅千

正音助觀曜明天帝隱文鬱密內號羅千四字秘天之光華宮主開度

玄明恭慶天

或號无量淨色黑次亢天人二細塵淨生此天亦號三禪天釋云遍淨天

帝龍羅菩提

正音威清道玄飛天內音龍羅帝君隱號菩提四字秘天之開闔宮主得

太煥極瑤天

異號福愛勝色碧次角天人三細塵淨生此天亦號四禪天釋云福生天

帝宛黎无延

正音洞眞衆觀天王內文宛黎无延四字秘天之帝康宮主教學人

西方八天

元始積七陽梵炁以成二天爲色界細塵天六天爲輕塵天青晃金旒白服

元載孔昇天

或云快樂色紫次軫角天人四細塵淨生此天亦號四禪天釋云福受天

帝開眞定光

正音開光竟眞帝君內音開隱諱眞定光四字秘天延命宮主煉魂

太安皇崖天

異號極樂色白次軫天人五細塵淨生此天亦號四禪天釋云廣果天

帝婆婁阿貪

正音暉莫阿魂天君隱音婆婁帝魔內諱阿貪四字秘天之開明宮主度善人

顯定極風天

帝招真童

始皇孝芒天

帝薩羅婁王

太皇翊重浮容天

帝閔巴狂

或云廣樂色黃次翼天人細塵雖淨尚餘輕染生此天亦號四禪天釋云无想

正音回翹威天君秘號招真童三字秘天之

大赤宮主度有善功之魂或云上妙色綠次張天人一輕染淨升此天釋云无煩惱天

正音君華大權玉真隱文薩羅婁王四字秘天之六丹宮主披夜開幽

或云色究竟天色青次星以色塵漸除故云色究竟二輕染淨升此天釋云无熱天

正音惠威光帝君內文閔巴狂三字秘天之華蓋宮主召魔集真

无思江由天

帝明梵光

上樛阮樂天

帝勃勃監

无極雲誓天

帝飄弩穹隆

或號最上妙色赤次柳天人三輕染淨升此天釋云善見天

正音朗明法元帝君內號明梵光三字秘天之明堂宮主開度善魂

或號自在色蒼次鬼天人四輕染淨升此天釋云善現天

正音鬱元真星天帝內文勃勃內號監三字秘天之運靈宮品類天人

異號大自在亦云不還色黑次井天人五輕染淨升此天釋云色究竟天

正音飛天虛英天魔內文飄弩天君隱諱穹隆四字秘天之中元宮主度仙

北方八天

皓庭霄度天

帝慧覺昏

淵通元洞天

帝梵行觀生

太文翰寵妙成天

元始積五陽梵炁以成四天爲三色界天四天爲種民天青冕白旒阜服

異號不空色碧次參井天人輕染雖淨尚餘結習升此天釋云无边空處天

正音無清明帝君內音慧覺昏三字秘天之瓊瑤宮主校度學人

異號大不空色紫次參天人色塵都忘但有識升此天釋云无邊識處天

正音洗權道光天君內音梵行隱謹觀生四字秘天之眞元宮主度學人

異號非想色白次背天人心識兩忘悉觀漸妙升此天釋云無所有起天

帝那育醜瑱

正音靈熏慧光帝魔內文那育醜音四字秘天之靈幽宮主統理之事

太素秀樂禁上天

異號非非想色黃次畢天人結習漸忘悉觀轉妙升此天釋云非非想天

帝龍羅覺長

正音陽威曜清天帝內文龍羅覺長四字秘天之九靈宮主領錄魔王

太虛无上常融天

異號不動色綠次昂天人結習頓忘漸入神觀升此天釋云不動天

帝總監鬼神

正音攝靈眞天帝攝魔內音總監鬼神四字秘天之萬福宮主校學人功過

太釋玉隆騰勝天

異號大不動天色青次霄天人結習頓忘神觀轉妙升此天釋云大不動天

帝眇眇行元

正音空微道明帝君。隱號眇眇行元四字。秘天之曰蓋宮。主召集仙聖。

龍變梵度天

異號上妙天。色赤。次婁。天人清淨無染。證不空果。升此天。釋云上妙天。

帝運上玄玄

正音掬靈妙光天王。內文運上玉真總音。玄玄四字。秘天之靈寶宮。進仙成聖。

太極平育賈奕天

異號最上妙。色蒼。次奎。天人洞入道妙。證无上玄覺。升此天。釋云最上妙天。

帝大擇法門

正音永玄久生天王。總文大擇法門。四字。秘天之天寶宮。普度學人。

三十二天三十二帝諸天隱諱諸天隱

名。天中空洞。自然靈章。諸天隱韻。天中之音。天中之尊。天中之神。天中大魔。天中之靈。九和十合。變化上清。无量之奧。深不可詳。敷落神真。普度天人。

上陽子曰

天帝內文隱名。色服根塵。皆天尊矜憫。

下愚。命天真皇人註釋。下教於未聞者。見

洞神經

內音經

龍蹻經

本際經

天公經

等。黃曾至七曜六

天。爲欲界。卽下界也。初出凡欲未除。天中之人。觸

物染着。初上二天。身交爲欲。其次二天。接手爲欲。又次五天。以口爲欲。又次六天。眼視爲欲。以色欲故。交接陰陽。故云欲界。因其欲樂。衰相易見。壽命終盡。復淪諸趣。若漸修習。欲樂頓除。升入色界。名小乘道。如大劫交。火從崑崙根起。焚燒世界。燄冲和陽天。元炁潰散。天乃淪壞。越行至曇誓天。爲色界。卽中界也。此天之人。有六色。十八塵。一塵淨。升一天。十八塵淨。升无色界天。若稍貪着。復墮欲界。名中乘道。如大劫交。水自東井起。洪泉鼓波。漂至極風天。元炁潰散。天乃淪壞。皓庭至秀樂四天。爲无色界。卽上界也。塵染俱淨。乃升此天。**大真經**曰。无色界中。至真无情。不交陰陽。人若化生。但嘖真

炁。无復形質。修至一天。唯存心識。若心識除。次第而升。氣觀道成。洞入自然。升種民天。釋云菩提薩埵天。大乘道也。如大劫交。水火不到。唯風浩蕩。孝芒至霄度六天。爲風所壞。元洞至秀樂。元炁散而復合。更无劫數。常融至平育四種民天。洞入真道。乃升此天。爲寂上乘。如大劫交。三界壞盡。此天復生聖人。以爲民種。故號種民。若丹成道備。經功滿就。則升上清天也。夫**天帝****魔****神****靈****章**之秘。皆空洞之炁結成。一切神靈。憑之變化。猶還丹資元始祖炁。**九和十合**之功。以成金胎。胎嬰變化。而身入上清矣。**无量之奧**。此丹寂爲神化之奧。**深隱而不可詳述**。數落神真數散也。落布也。乃散真文。布置諸

天。今其執持。普度天人。皆成妙道。此道用世法之通釋也。

頌曰

三十二天總是塵 色心都寂現全身
九和十合經功滿 金闕宮中侍玉宸

今日欣慶受度。歷關諸天。請滅三惡。斬絕地根。飛度五戶。名列大玄。魔王監舉。无拘天門。東斗主筭。西斗記名。北斗落

死。南斗上生。中斗大魁。總監衆靈。青帝護冤。白帝侍鬼。赤帝養炁。黑帝通血。黃帝中主。萬神无越。青天魔王。巴元醜伯。赤天魔王。負天擔石。白天魔王。反山六目。黑天魔王。監醜朗馥。黃天魔王。橫天擔力。五帝大魔。萬神之宗。飛行鼓從。總

領鬼兵。麾幢鼓節。遊觀太空。自號赫奕。
諸天齊功。上天度人。嚴攝北酆。神公受
命。普掃不祥。八威吐毒。猛馬四張。天丁
前驅。大帥仗旛。擲火萬里。流鈴八衝。敢
有干試。拒遏上真。金鉞前戮。巨天後刑。
屠割鬼爽。風火无停。千千截首。萬萬剪
形。魔无干犯。鬼无妖精。三官北酆。明檢
鬼管。不得容隱。金馬驛呈。普告无窮。萬
神咸聽。三界五帝。列言上清。

上陽子曰。前言今日校錄者。是學人練已以積功。
此言**今日欣慶受度者**。乃煉炁以還丹。大修行入。
最不易得者。今日也。鉛遇癸生。今日也。黃芽生處。
今日也。既得今日。是得其時。又有其才。而有其人。
此爲**功成慶也**。歷關諸天。若欲天人交感。必先
言語通誠。請滅三惡。先杜妄緣。斬絕地根。堅剛真。

性。采煉元始之炁。飛度五戶以還元。而後于
太玄。天門者。命門也。當入室時。魔王監真。舉事。使
元始。滯天門。青陽初回。東斗主算。金華吐綻。西斗
記名。取坎中陽。北斗落死。補中。缺南斗。上生炁。
歸黃庭。中斗總監眾靈也。青帝姓常。諱精明。護
治肝。白帝姓混。諱蓐收。待氣治肺。赤帝姓炎。諱洞
丹。養氣治心。黑帝姓玄。諱明萌。通血治腎。黃帝姓
麻。諱忠慎。中斗黃堂。制御萬神。大洞五帝錄云。五
帝與天地同存。陰陽始判。化生五行。大修行入。五
帝降神而煉金液。降炁以結胎。嬰青天魔王姓斌。
諱齒成。赤天魔王姓佛。名由肅。白天魔王姓赤。名
張市。黑天魔王姓徐。名直事。黃天魔王姓天門。名

波狂。皆主貪欲。耗搖神氣。故呼魔王。五帝大魔。即
天王也。即人身五官也。發施生育之功。主持金丹
妙道。承天尊勅攝之命。各現帝相。故稱五帝。若居
欲界。以色聲香味觸。魔試學人。故云大魔。萬神之
宗。爲一身之主宰。天尊昔降此五魔。有御魔總真
靈文。令五帝符吏。分衛五方。青帝符吏名啓華。赤
帝符吏名明真。白帝符吏名茂成。黑帝符吏名守
元。黃帝符吏名升冥。各安其方。守衛靈文。以禦魔
試。道用則四帝大魔屬彼。涵元始炁。亦稱諸天。
亦號金公。亦曰大乙。亦名白虎。唯東方青帝大魔
屬此。握生殺之柄。亦稱本命元神。亦號无位真人。
亦名金剛神王。飛行鼓從。彼四帝大魔。飛行三界。

鼓集部從總領欲界鬼兵以示淫慾之道。魔試學人。摩幢鼓節。此青帝大魔。摩起幡幢鼓動旌節。雖居色界。不爲慾亂。稟受元始梵炁真命。察惡勸善。故曰遊觀太空。自號威雄赫奕之獨尊。與彼四帝諸天齊其生育之功。上天度人。四帝諸天。其中最善者曰上天其施度人妙化必先嚴行攝起北都羅。豐檢舉愛根。以煉還丹。庶令神公受命。神公卽我元神。號馬龍氏。諱廓奕。其稟受元始梵炁真命。一切掃去貪淫不祥之鬼。八威吐毒。八威乃眼耳鼻舌身意六識并含藏傳送爲八識。號曰八威。吐去色聲香味觸法之毒害。不令惱亂。然後金剛神王駕偏馬以四張遣天中前驅勇猛而進。飭天

仗旛堅固而行。擲火萬里。則光燦燦。流鈴八衝。則圓陀陀。彼四帝諸天若稍有干試。則上天度人之道。遏元始一炁之真。使不能還元。則金剛神王以金鉞而前戮巨天力士。仗巨戈而後刑屠割五濁之淫鬼。急如風火。以无停蓋半時之功。要疾速之意。千千截首。千妖屏迹。萬萬剪形。万怪逃形。彼无干試。違犯三官。三元也。北豐真性也。則三元專制真性洞明。檢按鬼妖營窟。不得容隱。元始梵炁金馬黃道也。驛呈急遞也。使此炁馳逐黃道而歸神室。普告无窮。一炁所臨。萬神聽令。三界卽三田。五帝卽五官。皆列言奏功于上清也。以世法則如經所言不釋亦明。

頌曰

赫奕威雄正令行 魔无干犯鬼无精
一些祖炁還丹就 三界列言奏上清

元洞玉曆。龍漢延康。眇眇億劫。混沌之
中。上无復色。下无復淵。風澤洞虛。金剛
乘天。天上天下。无幽无冥。无形无影。无
極无窮。溟滓大梵。寥廓无光。赤明開圖。

運度自然。元始安鎮。敷落五篇。赤書玉
字。八威龍文。保制劫運。使天長存。梵炁
彌羅。萬範開張。元綱流演。三十二天。輪
轉无色。周回十方。旋斗歷箕。回度五常。
三十五分。總炁上元。八景冥合。炁入玄
玄。

上陽子曰。二章爲經之脉。爲丹之髓。何也。本章是煉金液還丹事。故示赤文爲采藥之具。十方浮空而來。齊到帝前。乃聚精會神。至今日欣慶受度。方乃合丹。既得一炁還元。則身中五斗五帝。効職驅邪。逐去陰魔鬼炁。故示萬萬剪形之功。老子曰。下德爲之。而有以爲者。本章之謂也。此章是煉玉液大丹事。故示玉曆爲紀元之始。所以无幽无冥无形无影者。蓋炁初回而未帖。得元始梵炁安鎮。則万範開張。以至万炁齊仙也。九品經曰。昔混元溟滓諸天未分。元始肇形。五劫初化。乃命梵元祖晨道君。肇錄天元。運乘五劫。故元洞者。以成祖炁主曆者。以紀天元。自一炁化分。三因成九。若龍若龜。

蟠曲九道。漠漠无極。總九陽祖炁之元。大上廼運梵合炁。開始青天元祖炁。故東方得九炁。以分天境。劫號龍漢。南方得三炁。以分天境。劫號赤明。中央得十二炁。以分天境。劫號上皇。西方得七炁。以分天境。劫號延康。北方得五炁。以分天境。劫號開皇。五劫既周。昊天成象。一炁混道。八景流光。八帝示形。九霄分化。結元洞五陽之炁。爲玉曆。乃命天真皇人。以玉曆紀元洞之初。劫運流復之本。天真天民。學仙功績。升退之道。青元真人曰。天地生成。始於龍漢。終於延康。幾成幾壞。莫可億度。故云。眇眇每劫運壞。天地蕩散。山海消融。物象一空。无復形質。唯元洞之炁。混然不分。沌然始構。是云。混。

當此之時。暗包真一之水。而五行未胚。**上无色象**。**下无淵極**。上風下澤。空洞虚无。**金剛之炁**。乘載天根幽冥。言隱顯形影。言物象窮極。言分際。冥濤言曠蕩。當其混沌之中。天上天下。隱顯曠蕩。莫分物象。分際未別。唯大梵之炁。寥廓未有光影。及後金風炁摩而生火。四象化合而生土。博載天地。長養万物。此謂三境高真。過度災劫。乃比衆生沉滯生死輪轉无窮。喻金丹返本。如經劫運之難。今幸梵炁還元。尚无形象。**赤明開圖**。赤明元年。玉曆定紀。天地日月山川物象。分判生長。亦猶還丹之有位也。四序推遷。各得其所。故曰運度自然。亦猶還丹之无爲也。**元始安鎮敷落五篇**。元始觀梵炁結形。

刻玉成雲篆。天章載妙。**元神真道**五者。故云**五篇**。悟其妙者入其妙。悟其元者入其元。悟其神者入其神。悟其真者入其真。悟其道者入其道。故盡妙合元。盡元合神。盡神合真。盡真合道。字經火煉。故云**赤書八威龍文**。文列蒼龍巨虬。金獅麒麟。白虎玄豹。丹蛇巨獬之狀。是云**八威**。其文保制劫運。使**天長存也**。梵炁彌羅。元炁所化曰梵炁。先天地立爲大道根。元始資之而御運。天地賴之以生成。彌覆三界羅絡諸天。兩儀既張。物象咸布。故云**万範開張**。梵炁爲元化之綱。流演於**三十二天**。如輪運轉。從**无色界**。周回十方。自斗至箕。回度五帝。以日月五星。合二十八宿。故云**三十五分**。總受高天。

元之炁入景冥然交合以成玄功故云炁入玄
皆喻還丹將結胎嬰也

頌曰

无形无影却尋踪 一氣周回顯聖功
最是金丹靈妙處 開張萬範廣神通

玄中大皇上帝高真汎景大霞嘯詠洞
章金真朗郁流響雲營玉音攝炁靈風
聚煌紫虛鬱秀輔翼萬仙千和萬合自

然成真真中有神長生大君无英公子
白元尊神太乙司命桃康合延執符把
籙保命生根上遊上清出入華房八冥
之內細微之中下鎮人身泥丸絳宮中
理五炁混合百神十轉回靈萬炁齊仙
仙道貴生无量度人上開八門飛天法

輪罪福禁戒宿命因緣。普受開度。死竟
生身。身得受生。上聞諸天。諸天之上。各
有生門。

上陽子曰。此明金丹道用。天心也。即人身正
中之心。**天皇**元始也。即祖氣。曰道寶。**上帝**道君也。
即金母。曰經寶。**高真**老君也。即丹體。曰法寶。是爲
一躰三寶。釋云。清淨法身是性。圓滿報身是智。千
百億化身是行。性與命合。陰慘陽舒。**光景**大霞。肅
洞章梵炁始至。泚然涵泳于元和之中。金公乍

還。快暢嘯詠於洞章之句。**金真朗郁**。金炁周行。**流**
響雲營炁營鄴鄂。**玉音攝**炁玉液煎鉛。**靈風聚煙**
鉛爲汞制。紫虛鬱秀。汞結紫花。**輔**功行外
備千和萬合。煉成一塊。自然成眞。胎嬰已成。**真中**
有神。胎已凝神。長生主心。**无英**主肝。**白元**主肺。**大**
乙主頭。**司命**主神。**桃康**主脾。**合延**主腎。執符把籙。
煉炁合神。上遊上清。梵炁上行。出入華房。自頂至
踵。頭有三華之庭。體有曲密之房。八冥之內。皆炁
通行。細微之中。无所不至。下鎮人身。升泥丸下絳
宮。中理五炁。住黃庭。合百神。十轉而百靈回我。十
月而萬炁齊仙。身外有身。真人出現。仙道貴乎長
生。太上无量度人八門有長生之門。法輪乃運轉

之道凡世有罪福宿命仙家唯禁戒功緣形神普
受開度死覓悉得生身此身得受長生姓各上聞
諸天諸天校錄功行隨品定其生門功高則金闕
侍宸行滿則上仙品級上陽子南嶽侍趙老師聞
人誦度人經問曰何云金剛乘天師曰要莫糊塗
你且從頭說來我先問你混沌赤文是何物就起
揖問師曰我聞這四字便一身冷汗言下卽悟把
此經一串透過師却曰你知金剛乘天了也曰通
身是汗師曰參須實參悟須實悟更向上說句來
曰如今超无色界了師鳴指一下曰如是如是這
般話頭道是機鋒不怕罪福禁戒忒恁泄露經旨
所恃將來過平育天魔王却肯保舉也此經尊妙

不可稱量故爲三洞上品道藏之首然體元始之
意大槩唯欲存道說經以明道使人知敬此道出
經以泄道欲人知行此道是道爲經之體經爲道
之用因經顯道因道尋經世之凡夫聞經則敬聞
道則笑遇經則琅琅而念誦聞道則成羣而毀謗
只如道爲母經爲子世未有愛其子而詈其母也
道之所以開天地揭日月施風雨役雷霆今人聞
雷霆則掩耳聞道則非笑太上雖慈悲而不加譴
然人之自取沈墜者爲當何如何謂道何謂經全
陰陽造化者謂之道全性命體用者謂之經有陰
而无陽不可以爲道有體而无用不可以爲經是
道爲陰陽之根經乃性命之用以真性合元命是

配陰陽。以外形合內神。是全體用。夫唯元始還丹之道。與人受胎本同。人受凡父母精血之初。亦溟滓混沌而无形。精血既安。一月爲胞。二月成胎。三月生。四月定。五月分五臟。六月開六府。七月明七竅。八月具八景。九月相足。十月氣全。脫胎而生。還丹之道。正類是也。其受靈炁聖母妙氣之初。必九和十合。而金炁始來。亦溟滓混沌。洞虛寥廓。无色无淵之可倚。无形无影之可依。元炁安鎮。五行敷落。彌羅周回。冥然凝合。汎嘯朗營。復元歸室。攝聚鬱輔。含孕懷真。生五臟。理五炁。合百神。結胎。嬰。號曰陽神。出入神化。但人受凡父母精血而生。其質不靈。金丹是靈。父聖母之炁。而毓能變化飛。

行是謂性命雙修。形神俱妙。

頌曰

混合百神賴此經 此經尊妙甚分明
天中梵炁胎嬰就 萬炁齊仙步玉京

中有空洞謠歌之章 魔王靈篇辭叅

高真

第一欲界飛空之音

人道眇眇仙道莽莽鬼道樂兮當人生

門。天道貴生。鬼道貴終。仙道常自吉。鬼
道常自凶。高上清靈爽。悲歌朗大空。惟
願仙道成。不欲人道窮。北都泉曲府。中
有萬鬼羣。但欲逼人筭。斷絕人命門。阿
人歌洞章。以攝北羅酆。束送妖魔精。斬
馘六鬼鋒。諸天无蕪蕩。我道日興隆。

上陽子曰。靈寶經法云。洞章乃龜山丹黃飛玄紫
文。非魔王所爲。**尹真人**侍。西遊龜臺。入七寶
園。觀其文。修之有法。布此三章于世。令人開悟。超
出三界。昔天尊降魔魔王。悉皆稽首受事。乃勅魔
王郁默。統治欲界。勅魔王摩羅。統治色界。勂魔王
无明。治无色界。各歌謠章。變化飛空。警戒天人。屏
絕欲鬼。令人聞此飛空之音。轉色欲苦。歸清淨門。
自黃曾至摩夷爲欲界。六欲俱淨。則升色界。**人道**
眇眇微而易失。**仙道**莽莽高遠難明。**生門**者。生人
生物之門。成仙作佛之門。**鍾離真人**曰。生我之門
死我戶。卽此門也。爲人不悟。則慾鬼當此之門。爲
樂。**天道**好生爲貴。而人苦趣鬼道。高上清靈爽。高

上之人。心清性靈。其辭爽慨。悲憫愚惑。謠歌朗徹。
大空。葛仙翁流珠歌曰。流珠流珠。役我區區。忙忙
汲汲。忘寢失哺。吾今六十。憂赴三塗。真人度我。要
大丈夫。諦觀斯語。豈非悲歌。則**大空**者乎。太上留
經之意。願世人修證仙道。不欲人趨邪道。而終窮
也。**北都泉曲府**。世之慾海。中有萬鬼屋。總皆色類
若人耽迷。則遏筭而絕命根。學人爲**阿人**。或居色
界。時歌何章。攝伏羅豐。蓋北都羅豐。乃人之慾根
也。慾根纔動。羅豐起。漫漫之黑雲。六鬼交鋒。妖精
趨淋淋之苦雨。學人到此。要降伏之。變欲界而爲
長樂。以煉還丹。化鬼妖而爲諸天。以施靈藥。則金
光之。易湯而我丹。道日興隆矣。

頌曰

伶俐惺惺日夜忙。誰分地獄與天堂。
好將冷眼看浮世。喚醒阿人歌洞章。

第二色界魔王之章

落落高張。明炁四騫。梵行諸天。周回十
方。无量大神。皆由我身。我有洞章。萬徧
成仙。仙道貴度。鬼道相連。天地渺莽。穢

炁氛氛。三界樂兮。過之長存。身度我界。
體入自然。此時樂兮。薄由我恩。龍漢蕩
蕩。何能別真。我界難度。故作洞文。變化
飛空。以試爾身。成敗懈退。度者幾人。笑
爾不度。故爲歌音。

自越行天至曇誓天。共一十八天。爲色界。此天之
人。有形无欲。分爲細輕一十八塵。塵染俱淨。升无

色界。落落高張。色天遠大。明泰四禪。梵炁朗明。
量大神。我身魔試。洞章力偏。結習皆忘。仙道貴
出于色界。鬼道欲人相連。色界。丹陽真人。東州富
室。日唯耽樂。重陽祖師。特往度之。一見卽曰。我來
扶醉人。丹陽瞋曰。如何是道。曰。五行不到處。丹陽
大悟。從學登仙。此豈非仙道貴度者乎。天地渺莽。
色境何窮。南華經云。物來无窮。我心有際。穢炁氛
氣結而不散。三界樂兮。過之長存。過此色界。超三
界天。升上清境。可以長存。身度我界。體入自然。身
超色類。不爲所迷。得大自在。薄由我恩。因經悟道。
龍漢蕩蕩。真僞莫分。我界難度。色相未除。豈能度
脫魔境。故作洞章之文。以相勉。又變化飛空。以魔

試其間成者少。敗。懈。退者多。笑爾不能出此色境。故爲歌謠此文也。

頌曰

色界天中十八塵 此心未淨卽非真
要知我界何難度 度者如今有幾人

第三无色界魔王歌曰

三界之上眇眇大羅。上无色根。雲層峨峨。唯有元始。浩劫之家。部制我界。統棄

玄都。有過我界。身入玉虛。我位上王。臣御衆魔。空中萬變。穢无紛葩。保真者少。迷惑者多。仙道難固。鬼道易邪。人道者心。諒不由他。仙道貴實。人道貴華。爾不樂仙道。三界那得過。其欲轉五道。我當復奈何。

自皓庭至秀樂四天爲无色界。太真科曰：无色界中至真无情。色欲俱空。无復形質之患。修至一天。唯存心識。以入氣觀。氣觀道成。上升一天。又能去除心識。以至无爲。復升一天。若萬法在心。若有若无。又升一天。若氣觀轉妙。結習都忘。洞入自然。卽升種民天也。本際經曰：煩惱爲結。學業爲習。結習已盡。超種民位。洞入道境。隨氣升降。災所不及也。青元真人曰：无色界中。雖能離染忘色。然未能遣忘。尤以心識爲患。故有穢氣紛葩。則鬼道易爲邪入。偶失制御。卽墜色界。直須忘心自遣。觀空入妙。老君經曰：所空旣无。无亦无。湛然常寂。方是真靜。昔浪子劉長生真人。洛陽三年。日唯觀空。遣忘。

愛根纔動。便乃誦曰：北都泉曲府。中有万鬼羣。但欲遏人筭。斷絕人命門。誦此謠章。愛根斬然。豈非阿人歌洞章。以攝北羅酆者乎。此爲真實工夫。所謂仙道貴實也。世皆耽迷。不樂仙道。輪轉五苦。須欲題拔。復奈之何。

頌曰

無色天中甚麼无 這回心地莫糊塗
他家不是閑花草 要把真身入玉虛

此三界之上。飛空之中。魔王歌音。音叅洞章。誦之百遍。名度南宮。誦之千遍。魔

王保迎萬徧道備。飛升大空。過度三界。
位登仙公。有聞靈音。魔王敬形。敕制地。
祇侍衛送迎。拔出地戶。五苦八難。七祖
昇遷。末離鬼官。魂度朱陵。受煉更生。是
謂无量。普度無窮。有秘上天文。諸天共
所崇。泄慢墮地獄。禍及七祖翁。

三界之上。无非魔王之所居。**飛空之中**。徧歌謠章。
以魔試能。裨妙道。故**參洞章**。夫天尊說誦經。曉世
人以行道。誦之百徧。猶梵炁之初回。是云**名度南**
宮誦之千徧。猶胎嬰之已結。故云**魔王保迎**。乃徧
道備。脫胎神化。故云**飛升太空**。此謂道備。若不修
道。只誦萬徧。以望飛升者。亦難矣。經功圓成。過度
三界。還丹行滿。位登仙公。有聞靈音。万劫一遇。魔
王敬形。道高德重。勅制地祇。勅乃梵炁地。卽戊土。
流戊就巳。返本還元。拔出地戶。陰銷陽長。**五苦八**
難。超五行數。除八識根。永離鬼官。陰絕坤戶。竟度
朱陵。陽聚南宮。有秘上天文。凡學道之人。觀經。則
寶愛而珍藏。還丹。則潛修而密煉。是謂之秘。諸天

共所崇。丹道與經皆圓。諸天共所崇仰。何謂泄慢。輕易妄爲。有聞而不行。或行而不秘。皆受泄慢之禍。恐墮地獄之中。至於禍及祖翁。卽是喪盡元炁。却怨丹經妄語。又謾太上空言。寧不回思自己。妄爲泄慢之過也。

頌曰

何故謠章參洞章。只緣地獄與天堂。
儘知地獄唯心造。好向天堂做一場。

道言。此二章。並是諸天上帝及至靈魔王。隱秘之音。皆是大梵之言。非世上常

辭。言无韻麗。曲无華宛。故謂玄奧。難可尋詳。上天所寶。秘於玄都。紫微上宮。依玄科。四萬劫一傳。若有至人。齎金寶質。心依舊格。告盟十天。然後而付焉。

上陽子曰。此經冠于諸經者。首尾相應。前後相隨。故也。如上卷乃天真皇人筆錄。玉晨道君序述。元始天尊之說。而萬世之下。得此經誦之者。猶如當時親觀其事。斯爲妙也。本章玉曆一章爲正經。三

界魔王歌章。接于二章之後。不屬正經。以其文。魔
試學人之功爲多。故參于元洞之末。是云。音參洞
章也。此下則天真皇人。又述道君之言耳。此二章
卽混洞赤文。元洞玉曆二章。混洞赤文。明先天。元
始玄一之還丹。元洞玉曆。明後天。无爲至真之妙
道。言此二章。獨掌不鳴。並是諸天上帝。无非一陰
一陽。至靈魔王。全資神用。隱秘之音。玄關一竅。大
梵之言。鉛銀珠汞。在經則爲諸天帝魔之隱秘。在
丹則爲玄牝刀圭之梵言。非世上常辭。世上愚人。
開口談道。且不知道爲何物。亦不知物爲何用。此
謂非世上常辭也。言不美。曲在華元
華則不實。故謂玄奧。顏閔雖慧。莫猜。難可尋。請責

老无師難悟。此其言。首經而已。秘于天宮。非世
常用。四萬劫一傳。非人不可授。至人者。乃至聖之
人也。金寶實心。以財易法。夫金與寶。世之所重。愚
人以金寶爲命。勝人以功名爲命。義士以名節爲
命。至人以道德爲命。故至人煉金液九還神丹。乃
假金寶以爲法財。有法无財。事鮮克濟。有財无法。
卽同愚人。經法流通。法財兩用。依格告盟。方可付。
強爲妄作。事難全。此道用之說也。若論世法。則未
見以金寶爲質信。而請經一卷者。更四萬劫。亦莫
之有。何以故。彼安知是經有長生久視之道焉。若
言道用。猶或有之。何以故。彼上根法器之士。宿命
因緣。於丹經內。默有所得。未能深達玄旨。忽聞此

經妙諦。必齎金寶。信受不疑。夫九還七返之方。必
外藥而合內藥。若非金寶爲質。則安能得此經之
妙。又安能伏虎以降龍。又安能得先天之氣自虛
无中來也。凡今之世。愚夫濁子。一聞法財。必爲大
笑。便謂修行者。要徹骨貧。一絲不掛。只從事頑坐
流于空寂。莽蕩。此輩直賺到老。安知齎金寶以求
妙經。是法財兩用之旨。**希夷真人入室詩曰**。入室
何獨異。金花日日開。靈苗從地出。香藥向天來。**又**
云。欲慕天中寶。應須動世財。蓬萊瑤洞裏。醞就九
還杯。**玉皇真人曰**。凡俗欲求天上事。尋時須用世
間財。蓋天中寶。天上事。是僊家密密運用之機。却
非傍門採取之謬。**我差迷伽**。承師教已。問云何爲

報。師曰。若辦五百羯利沙鉢那者。足表深心。爾時
迷伽遍地尋覓。既具集已。卽呈偈曰。饒財多寶珍。
眷屬具成就。必定於菩提。常安住於法。夫伐瑳迷
伽。爲天人師。畱此一偈。與後來人。證道作佛之眼
目。非同外道邪魔之行。諦觀斯語。則此經必金寶
質心而後付。方得其妙。

頌曰

一豈財利不關心 金寶何爲度得人
我是青城親付囑 還丹只要虎龍親

元始无量度人上品妙經卷中終

元始无量度人上品妙經卷下

道言。夫天地運度。亦有否終。日月五星。亦有虧盈。至聖神人。亦有休否。未學之夫。亦有疾傷。凡有此災。同炁皆當齊心修齋。六時行香。十遍轉經。福德立降。消諸不祥。无量之文。普度无窮。

上陽子曰。天地運度。以道用言。則人之身。得天地

正中之氣。頭像天。足像地。故曰。人身一小天地。夫天地之造化。生人生物。而人身之造化。生佛生仙。**靈寶經法曰**。道生万物。天地乃物中之大者。人爲物中之靈者。別求於道。人同天地。心比天。腎比地。肝爲陽。肺爲陰。一上一下。仰觀俯察。可以賸其機。一始一終。度數籌筭。可以得其理。易曰。天尊地卑。乾坤定矣。**老子曰**。有物混成。先天地生。吾不知其名。強名之曰道。**張真人曰**。甘露降時。天地合。黃芽生處。坎离交。先把乾坤爲鼎器。次搏烏兔藥來烹。故金丹以天地爲鼎器也。**世法**。則天地運度。古人以一大爲天。經云。域中有四大。道大。天大。地大。王

亦大。**渾天論**。天如雞子。地如中黃。大地在天體之內。天之南北兩極。如門樞輪軸。天旋一晝夜而周。兩極不離元所。其謂天如雞子者。雞子形不正圓。古人知天形相肖。故以比之。但喻地在天內。天包地外而已。**緣督子曰**。天如絛毬。內盛半毬水。水上浮一板。板比大地。板上置諸物。比人品萬類。毬常旋轉。板上諸物未嘗覺知。天乃日夜旋轉。地居其中。人物在于地上。安然不動。此毬浮板之喻。切幾之矣。**渾天論**。地在天體之內者。天非可見其體。因衆星出沒東西。管轄于兩極。有常度。无停機。遂卽星所附麗。擬爲天之體耳。**韋**象云。天體圓如彈丸。圓體中心。六合之的也。周圍上下。相距正等。名曰

天中。天中直上至于天頂。古者測景于陽城。得天頂正中之景。仰觀北極出地入地。並三十六度。是爲天中。而非地中。若論地維四方之中。當以四海之至。而求黃河之源。爲崑崙。是大地最高處。西番指爲閼母黎山。水分四向而流。其山距東海。不滿二萬里。距西海。二萬餘里。陽城距東海近。而距崑崙遠。天下之地多西。崑崙尚在東土。要知大地之中。乃在崑崙之西也。**渾天**。比天如雞子者。中黃爲地。是地上天少。地下天多。**韋象**乃云。地上天多。地下天少。亦爲有理。若論天之高下。**玉書**云。天地之間。上下相去八萬四千里。氣質不能相交。天以乾索於坤。而還於地中。其陽負陰而升。地以坤索於

乾而還於天中其陰抱陽而降升降而運於道

五曆紀曰天地開闢陽清爲天陰濁爲地盤古生于中神於天聖於地天極高地極深盤古極長後有三皇數起乎一立於三成於五盛於七康於九故天去地九萬里兩說相同則知地上至天九萬里地下亦九萬里是天之體中高十八萬里古以三百六十步爲一里如前本章化生諸天所註幾百幾十万里者非實有其數比上根之士能絕欲樂卽同聖賢與彼下界之人相隔遠甚也如此又如地之寬闊自東海濱之西至西海濱之東五萬餘里海之闊又三萬里海之外二萬里則極東至極西通十五萬徑與十八萬里之高則渾天謂形

如雞子者是矣天道左運周天三百六十五度餘四之一每晝夜一周遭无有窮已

劉宋祖冲之善

觀天文見極星去不動康一度餘蓋曆家測北極而知度數長短

郭守敬行狀

至元十六年守敬奏

唐一行開元間令南宮說天下測景今疆宇比唐尤大若不遠方測驗日月交食分數時刻不同晝夜長短不同日月星辰去天高下不同卽目測驗人少可先南北立表取直測景

世祖皇帝可其奏遂設監候官十四員分道而出先測得南海北極出地一十五度夏至景在表南長一尺一寸六分晝五十四刻夜四十六刻衡岳北極出地二十五度夏至日在表端无景晝五十六刻

夜四十四刻。岳臺北極出地三十五度。夏至景在表北。長一尺四寸八分。晝六十刻。夜四十刻。和琳北極出地四十五度。夏至景長三尺二寸四分。晝六十四刻。夜三十六刻。鐵勒北極出地五十五度。夏至景長五尺一分。晝七十刻。夜三十刻。北海北極出地六十五度。夏至景長六尺七寸八分。晝八十二刻。夜十八刻。華象謂朔方最遠之地。煮羊脾未熟而天曉又遠去。則日之出沒只在須臾。是爲天地運度也。亦有否終有成數者。心有否。有定象者。必有終。金諱曰。大道之中。天地有高下之儀。陰陽有始終之數。唯金丹乃元始一炁變化。无形无象。超五行之外。出象數之限。立乎造化之表也。

以道用言。備于一身。人有七孔。天有七星。則七竅者。日月五星也。世法祖師之始悟。日有歲差之數。劉洪始悟月行有遲疾。張子信始悟五星行度。緣督子曰。日行不由黃赤道。出入黃道內外。晝長在赤道北。日短在赤道南。北有紫微垣。帝座居之。故北曰內。南曰外。又月有九行者。只是一道。月亦不由黃赤道。其黃道與赤道如兩環相交。而相距二十四度。日月由中而行。只距黃道六度。日爲陽之精。月受日光而明。華象以黑漆毬於簷下映日。其毬受日之光。遠射暗壁。月之圓體。比黑漆毬。有日映處則有光。日映不到則无光。故常一邊光。一邊暗。遇望日月相對。月在天。日在地下。

所映之光全向人間。一邊暗處。却全向天。人所不見。晦朔日月同經。月在日之下。月受日映。一邊光處全向天。一邊暗處全向地。晦朔同經。離二十五度。所映之光。漸向一邊。人間乃見月吐微光。日與月逐漸遠。光漸多。月離日九十餘度。則人見光一半。故謂之弦。望後離日二十五度。而月光漸虧。逐漸遠。光漸少。而至于晦。是以月體本无圓缺。每受日光。只是半輪。以其旋轉。人不盡見。故言其虧盈也。而愚者謂日月對望。爲地所隔。豈能得日之映。彼豈知陰陽之氣。隔礙潛通之理。其月不全瑩而似瑕者。其映水之處則瑩。照地之處則瑕。古云。月中有山河樹影是也。日之圓體大。月之圓體小。日

距天雖遠。月距天又遠。月道在日道內。亦似小環在大環之中。月與人相近。日與人較遠。月因近視而比日體之大也。太陽行一度曰一日。而月一日行十三度有奇。凡言度者。日之圓徑數也。如日之徑八百四十五里闊。則一度亦八百四十五里闊。故太陽三百六十五度餘。計三十三萬里。而天高遠於日。故其度又闊於日之度。以天三百六十五度餘。計五十五萬餘里。是天每度有一千三百九十里。而月之度却窄於日之徑。月一度止得六百七十里。周三百六十五度餘。止計二十四萬里。是月近於人。天最遠於人。唯日得其中道。故凡曆測皆以日爲主。而作準則也。日行之道定二十八宿

之名。唐虞之際。冬至日躔虛宿。何以知其然。在
典曰。日短星昴。以正仲冬。且冬至日短。日入申末
昴星見西初時。而在南方午上。太陽却在西方。虛
屬天盤子。以天盤子。加臨地盤酉。子加酉。則酉必
加午。昴屬天盤酉。而冬至見地盤午。故冬至太陽
躔虛。夏至躔星。春分在昴。秋分在房。古者唯以夜
半中星攷其日度。是以**容成**造曆。**車區**占星是也。
漢作**太初曆**。仲冬日在丑。躔牽牛初。堯至漢。差一
宮。**晉虞喜**謂五十年差一度。**何承天**謂百年差一
度。隋**劉焯**以七十五年差一度。**唐一行**八十二年
差一度。大衍曆日在斗十三度。宋乃以焯七十五
年爲准。至元十四年丁丑。冬至日躔箕十度。至元

三年丁丑。日躔箕八度。則堯時日在子。漢時日在
丑。金宋之間。日在寅。自堯至今三千七百年。日已
差三宮。則堯之後九千餘年。日反躔午。一萬八千
餘年。日復躔子。是帝堯之前。亦必如此。故**李虛中**
以古曆**章部紀元**。分度不齊。始爲總法。**一行**以朔
有四大三小。定九服交食之異。**徐昂**以日食有氣
刻時三差。**姚舜輔**知食甚泛餘差數。**韋象**謂上古
歲差少。後世歲差多。以唐宋到今驗之。果符其說
也。古人以三百六十時有餘。均作二氣。六候爲一
月。然每月朔止得三百五十六個時。令三刻有奇。
而一氣則十五日有餘。故月大日氣盈。月小日虧。
名爲朔虛。此謂**日月五星亦有虧盈**。非但指日月

晦食爲虧盈也。又如五星亦因日而有遲留伏逆。近日則疾。遠日則遲。遲甚而留。留久而退。初遲退。漸疾退。退最疾而復遲。退如初。退止而留。留久而順行最疾。則與太陽同躔。歲星最疾。四日行一度。熒惑最疾。七日行五度。鎮星最疾。七日行一度。此三星比太陽行度較少。故伏合以後。太陽在前。歲星距日十三度而晨見。熒惑距日十九度而晨見。鎮星距日十八度半而晨見。大約近一遠二而留。周天相半而退。歲星初留。約距日一百九度。初退。距日一百三十一度。熒惑初留。距日一百三十四度。初退。亦然。鎮星初留。距日九十四度。初退。距日一百二十八度。凡退行最疾之時。必與太陽對衝。

退止而留。留久而順行。太白最疾。約四日行五度。辰星最疾。一日行二度。太白距日遠。不出四十度。辰星距日遠。不出二十四度。距日遠則行遲。距日近則行疾。金木形體大。故伏見與日近。水火土形體小。故伏見與日遠。此五星之常數也。**至聖神人亦有休否。**大舜有井廩之慮。文王有姜里之囚。周公居東二年。孔子厄於陳蔡。老君化胡而爲所難。如來割肉以與賊徒。豈非至聖神人亦有休否者乎。**未學之夫亦有疾傷。**士之學道而不勤行。是爲未學之夫。不勤則道不成。道不成則疾患至矣。**凡有此災同忝皆當齊心修齋六時行香十遍轉經。**同忝。卽同類也。既同其類。必能齊心。其心若齊。方

能辦事。世人知看經。而不知轉經。看經者求福。轉經者求丹。經圓福至。丹成德重。故云。福德立降。此經多言。元量之文。普度無窮者。意在經而主乎丹也。夫元始梵炁還丹之道。上根至士。下及至愚小人。但能信受而行。皆躋聖位。故云普度無窮。

頌曰

有形有數有終窮。直到無形體太空。
若問無形何所似。全身放在黍珠中。

通言 夫末學道淺。或仙品未充。運應滅

度。身經大陰。臨過之時。同學至人。爲其

行香。誦經十過。以度尸形如法。魂神經

上南宮。隨其學功。計日而得更生。轉輪

不滅。便得神仙。

上陽子曰。此爲下士晚聞道者言也。**夫末學道淺。仙品未充。修學之人。不能勇猛勤行。而復年當遲暮。精氣已衰。不覺臘月三十夜到來。无可奈何。遂行奪舍投胎之法。蓋奪舍與投胎。乃是兩事。此法雖屬傍門。然得之者。亦可以度其尸形。使真性不落于輪迴。若**五祖之投周氏胎。松精亦投金公室。****

是也。故云以度尸形如法。然必得同學至人。爲其護衛。則鬼神徑上南宮。如四祖之題五祖洞賓之度松精。此爲同學至人也。隨其學功者。蓋修學之士。其功有深有淺。故隨其功之深淺。計日之遠近。而更生。雖經轉輪。而真性不滅。待其金液大丹之道成。是云便得神仙也。

頌曰

計日更生隨學功

功圓八百顯金容

大羅天上風流好

信道元來色卽空



夫天地運終。亦當修齋。行香誦經。

星宿錯度。日月失昏。亦當修齋。行香誦經。四時失度。陰陽不調。亦當修齋。行香誦經。國主有災。兵革四興。亦當修齋。行香誦經。疫毒流行。兆民死傷。亦當修齋。行香誦經。師友命過。亦當修齋。行香誦經。夫齋戒誦經。功德甚重。上消天災。保

銀帝王下禳毒害以度兆民生死受賴

其福難勝故曰无量普度天人

上陽子曰天地運終以道用釋大修行人以天地而比一身還丹若成功行未積不能白日飛身乃厭塵世或欲示疾而去或欲蛻形而行或止得蛻殼尸解之道皆謂之運終若直謂天地果然運終則民生其有幾何孰得而修齋行香又孰得而誦經乎**星宿錯度日月失昏**此乃身中神炁耗散耳目眩瞶蓋日月五星比人身之七竅也**三火經**耳若亂聽聲色敗人眼若視惡其光不現鼻若聞

臭玉真不潔口若雜味身多病生是故病從口入福從色敗子若戒之命同天在**四時失度**夫真炁乖理則陰陽不調**彭真人曰**陽火過刻水旱不調凝冬變爲大暑也陰符失節寒暖相侵盛夏反爲濃霜也金宮既砂汞之不前一鼎則蟲螟之互起大則山崩地圯金虎與木龍沸騰小則雨暴風飄坎男共離女奔逸**內養曰**太上所謂修齋行香誦經者卽虛心煉炁願神養真如上皆道用之謂若論**世法**天地運終則欲界六天大劫一交爲火所焚色界一十八天大劫一交爲水所漂无色界四天大劫一交爲風所壞此三界壞盡上帝乃於種民天選一人下世爲民種故曰種民天以此觀之

則天地其有運終之時也。**星宿錯度日月失昏**。古人仰觀天象。見衆星昏曉出沒。漸漸不同。乃比天體如圓瓜。以瓜有十二瓣。周天三百六十五度。餘四之一。均作十二分。則一瓣計三十度。四十三分。七十五秒。度度皆輻輳於南北極。猶其度歛尖於兩端。最廣處。在瓜之腰圍。瓜腰一圍。名曰赤道。其度在赤道者。正得一度之廣。去赤道遠者。漸遠漸窄。雖有一度之名。實无腰圍一度之廣。各度皆以二十八宿之距星紀數。謂之經度。東西分經。南北分緯。經緯皆以二極遠近爲數。兩極相距一百八十二度。六十二分五十秒。赤道橫分。與兩極相遠各九十一度。三十一分二十五秒。天頂名嵩高。北

極偏於嵩高而北者。五十五度有奇。南極偏於地中之下而南者。亦五十五度有奇。赤道則斜倚在嵩高之南。三十六度兩傍。乃正卯酉之位。日月星宿。不着於天。乃假大化之炁。懸空而行。亦猶魚之不着於地。乃假水之道而行于江河也。**北齊張子信**仰觀歲久。知五緯有盈縮之變。遂加常數。以求其逐日之躔。盖五緯不由黃道。亦不由月之九道。乃出入于黃道之内外。五緯各自有道。視太陽遠近而遲疾者。如足力之有勤倦。又有變數之加減者。如路里之有曲直。歲星加減最多。屢七度有餘。熒惑二十五度餘。土星八度餘。太白四度餘。辰星六度餘。羅計氣字。所行无遲疾。羅計從月交黃道

而求月交之終始。羅計於其間。各逆行一度四十六分三十秒。月孛從月之盈縮而求。紫炁起於閏法二十八年十閏。紫炁周十二宮。紫炁卽景星也。**史註**。景星狀如半月。凡見則人君有德。明聖之慶星之留段是一日。遶地一周與天同過一度。行疾者反是遲。行遲者反是疾。退者反是疾之甚。不及天行之數。卽所行度。日月相會同經度。夫日食於朔者。日月同經不同緯。只合朔而不食。若日月既同經而月從八道穿度日之黃道而出入。其時日亦在彼。卽同經而又同緯。則合朔而有食。說者謂十曜之星皆能食日者。非也。日本无食。但一時爲月之黑體所蔽障。世以爲食。然日體未嘗有損。其

所障有多少者。蓋日道與月道相交有二。若正會於交。則月體全障。日體人間暗甚。謂之食。旣若同經而在交之前後者。亦見其食。但正交則食分多。交遠則食分少。日月之行遲速不同。須臾參差。離交而光生矣。夫月食於望者。日月對躔爲望。平分黃道之半。黃道有二交。若不當二交前後而望。則不食。若望在二交前後者。月必食。其食分多少。當以距交遠近而推。是時月在天。日在地之下。又非十曜之星所能食。而月何以无光。蓋緣月雖映日而明。若在二交限內。對經而又對緯。至甚的切。所受日光傷於大盛。以致月反无光而黑。爲其陽極反亢故也。是爲月蝕。**今授時曆**望在交之前後。距

交十三度餘則不蝕若在此限之內則有蝕矣故
古人以日體對克之虞名曰闇虛似乎日之像影
月體因之失明故云闇日非有像影也強立其名
故云虛言其非實有也若日月交朔於夜對望於
晝者皆有食但已入地而人間所不見此謂日月
失昏也亦當修齋行香誦經夫日陽月陰陽主德
陰主刑而有國有家者日食則懼德之不脩月食
則懼刑之有失故日食脩德月食脩刑亦當修齋
誦經以禳救之所謂救者觀乎天文以察時變預
爲之儆戒耳四時失度陰陽不調以世法釋自古
以分至爲春夏秋冬四時之中而四時以冬至爲
首者陽道也百曆立元紀部章年月日時各有其

事時者太陽所歷地盤十二方位日者太陽出沒
一周月者太陰盈虧始終年者寒暑榮枯一變章
者至朔合於一時部者至朔合於子時紀者至朔
合於甲子日子時元者至朔合於甲子歲甲子日
甲子時也百芒爲毫百毫爲杪百杪爲分分卽刻
也二十五刻爲三時十二時爲日三十日爲月十
二月爲年十九年爲一章四章爲一部二十部爲
一紀三紀爲一元則一元是四千五百六十年一
元之首冬至太陽在子一元滿則冬至太陽在卯
二元滿則冬至太陽反躔午三元滿冬至太陽在
酉四元滿冬至太陽復躔子則四元乃一萬八千
二百四十年大陽還元而積六千七百二十閏者

盖一章有七閏也。四時失度。陰陽不調者。春則國有恐。民多疫。夏則禾不熟。女有災。秋則民瘡而致。孰嚏。冬則多癘。而來固疾。皆陰陽不調之所致。亦當修齋誦經。以召天地之和氣也。國主有災。兵革四興。夫天下太平。國阜民安。是一人有慶。兆民賴之也。若國家多事。兵役疊起。爲臣子者。當盡忠効力。以報上也。師之與友。恩不可忘。天齋戒誦經功德甚重。齋者清心。戒者絕境。若有經而无戒。猶有魚而无筌。昔老君以五戒授尹真人。一百八十戒授于真人。天師七十二戒。太清二十四戒。修真十戒。九真妙戒。太上九戒。正一五戒。其他載經懺者多。然皆以戒慾爲首。故老君曰。若能全戒於內。和

光於外。庶幾靈標之崖矣。慾心盡淨。方可成功。則生死安賴其福難勝也。

頌曰

度人功大果無邊
句句分明好結緣
無始劫來師與友
如今都會大羅天

道言凡有是經能爲天地帝主兆民行

是功德有災之日發心修齋燒香誦經

十過皆諸天記名萬神侍衛右別至人

剋得爲聖君金闕之臣。諸天記人功過毫分无失。天中魔王亦保舉爾身得道者。乃當洞明至言也。

上陽子曰凡有是經。蓋經者道也。凡有道士與天地合德。與日月合明。與造化同體。若爲國爲家。爲人爲己。行此經中之功德。諸天同與記名。萬神爲之侍衛。有別至人至人。乃有功勤者。爲聖君金闕之臣。如天師旌陽浮丘眞君之道。備德隆而皆爲金闕之臣也。修學之士。見善勇爲。有過卽改。改

過則神明陰衛。積善則功德尊高。諸天記人功過。並無遺失。倘功高德重。天中魔王亦行保舉得道者。聞道之人。須當洞明經旨。有成仙之至言也。

頌曰

凡有是經便煉丹 丹成克得步玄關
三千功行渾餘事 金闕宮中禮玉顏

諸天中大梵隱語无量音

天公經云大羅天宮有靈書上篇。廣生高映是也。又有龍章鳳篆正文。觀覺鬱縉是也。又有靈書中篇。宣婁阿蒼是也。經謂雖有諸天。猶拘劫運。於是玉宸道君撰元始靈書三篇。凝雲作篆。每字方廣

一丈八角垂芒。以鎮三十二天。卽如上三篇。皆道君所述。天真皇人所書也。後天真皇人。美此隱音。重述靈書下篇。森用儲雲是也。如此乃有四篇。今人止誦中篇。而不誦上下篇者。豈上天秘惜。而下世罕聞之乎。**內音經云**。元始天尊。於赤明世界。栢陵說法。衆真侍座。雲霧鬱勃。三日三夜。玄陰不解。五老上帝。白天尊言。天尊演教。所未曾見。今白日晝陰。不審何故。天尊曰。乃諸天發瑞。靈應自然。玉宇煥爛。障蔽天光。咸令四座。瞑目伏聽。俄頃天氣頓啓。冥暗豁消。忽有靈書。字方一丈。見於空玄之上。天尊普告四座。夫此靈書八會。其趣宛奧。難可尋詳。當命天真皇人。訓釋其音。以教諸天。應得道

成。真有仙名者。天真皇人。奉天尊明命。初啓靈書上篇。但見廣生高映。文彩燦爛。莫可窺覩。次啓龍篆正文。又見觀覺鬱縹。字皆八角垂芒。精光奪目。復啓靈書中篇。始見亶婁阿蒼。字方一丈。金光洞映。余時天真皇人。大興悲嘆。不敢議問。良久言曰。靈書上篇。龍篆正文。天宮所秘。劫運未周。大道之奧。未當聞于下世。伏惟靈書中篇。仰感天尊大慈。三五應期。真道宜行。乃釋靈音。下教於未聞也。是以上篇。及于龍篆。未敢輕泄玄秘。唯中篇畧倣天真皇人之訓。旁加增減。使万世之下。得聞經之隱奧也。他本以靈書上篇。及龍篆正文。置下篇之後者。非是。今正之。

元始靈書上篇

道君撰

東方人天

廣生高映。覺元洞虛。應玄可媒與化交摩。
圖文靈運構。宗範玄都。感變總括。威昭
自成。綠岑遷景。皇道含明。天琳耀權。炁
品育竟。融羅負立。圓英隱炁。期巨神包。

洪綱告寧。

南方八天

章炎通泛。堅敷澄宗。虛象玄華。龍陽舞
穹。微正霄艷。淵大凝冲。元關三紐。大梵
飛空。隱覺隆益。天倫慶呈。神戶纏絡。真
元散精。淨握冥照。回合陞遷。導騫宴雲。

靈應騰天。

西方八天

剛澤微控。陰峻孤儀。貫炁明素。宸洞開微。周化幽應。澄虛帝臺。平遐揖虛。恢茂童池。結飈臨育。麗无散開。陽通百六。沉芒隱階。幽廓冥默。真峯會靈。堅丕順道。

告命騫林。

北方八天

龍安洞變。純陽隱玄。方本還无。象伏高員。神變惠化。解煉靈根。赤精純道。成號威尊。利雲友常。億劫中丘。鬱城瓊壘。誼音慶流。受位玉室。大憲通幽。玄章煥落。

網輪廻周。

龍章鳳篆正文

道君撰

東方八天

觀覺鬱繼。大明紫靈。九神度魂。開闢玉
真。阿奕煒燁。飛天流音。輪景帝常。都靈
順臻。豁落大有。慶雲啓靈。七曜輝魔。恬

愴敷榮。虛无上首。天啓彌宸。四吁員象。
濯曜騰精

南方八天

煥赫洞陽。浮景玉光。七靈謠歌。世元紫
堂。羅英散景。曜明玉房。八景總獸。韶玉
攝精。九都騫翬。飛生上靈。密羅淨境。瑤

育空輪。灌沃黃華。靈運玄明。神宮閔廓。
延宛丹庭。

西方入天

大猷浮景。真定化元。蜿蜒素眇。玉梁澄
煙。蕭峙結嶠。景羅七纏。秀盤三府。流暉
九玄。寂然虛邈。飛華拂輶。晨濫綠籍。太

漠由延。阿丘九度。六龍僊轅。蒼藹浮羅。
紫精馥淵。

北方入天

溟滓太有。九機化軋。覆形厚德。元河淪
精育英明。陀景辰眇雲。大隗總監。秀樂
禁天。紫虛陀丘。劫量交前。碧霞韻梵。眇

眇遊元六變運量。馘絕惡憊。恢寂玄漠。
萬度成仙。

如上玉字一篇。乃龍章鳳篆正文。皆諸天內德隱
諱。以玉簡金書。秘于天之三十二宮。以鎮三十二
天。誦念若勤。卽獲應感。

元始靈書中篇

道君撰

東方朔

亶婁阿耨无愁觀音。須延明首。法攬菩
曇稼那阿奕。忽訶流吟。華都曲麗。鮮菩
育臻。答落大梵。散煙慶雲。飛灑玉都。明
魔上門。无行上首。回蹠流玄。阿陀龍羅。
四象吁員。

亶婁阿耨无愁觀音。元始以梵炁結此八字。而成
雲篆。以鎮黃曾天。玉京有亶婁上承玄都宮。掌樓

之監名。阿那。天中遊治臺名。蒼元。乃虛无之境。乃日月之戶。觀天帝諱音。卽歌音。謂每朝會。阿那先登直樓。鳴大法鼓。集諸天真。朝元始于虛无之境。開日月之戶。元始命天帝觀覺。主長生錄。領衆眞登蒼臺。歌洞章之音。開度天人。上陽子曰。靈書玉字。乃金丹之異名。故云中篇。訓釋言辭。明還丹之妙用。故云隱語。學人到此。先具智慧眼。必有領悟處。須延明首法。攬普臺八字雲篆。鎮玉完天。此天闕名。須延都候號曰明首四眞人名。法攬普臺凡當大劫交。元始命須延開玉府。納諸仙聖。明首導諸天。主持梵氣。於是法輪引籍。攬覺度現。普臺轉輪。曇願揚旛。自然九地開光。學人皆得受度。

那阿奕忽訶流吟。八字雲篆。鎮河童天。掌稽眞人阿奕七寶瓊林。忽飛天神王內名。訶釋呼元始爲摩訶流布也。吟歌也。元始噓呵元梵之炁。充滿阿奕七寶之林。自成靈音。流布万天。稼那舉籍以定生死。飛天大聖。度脫天人。華都曲麗鮮音。臻八字雲篆。鎮平育天。華都東極青華之都。一名太乙青華之門。曲洞章之歌。麗乃玉女名。鮮是慶雲。普樓名。育帝諱。臻至也。元始居太乙華都。命仙聖領諸玉女。登普樓。歌洞章。慶雲四集。育帝始至。開度長夜。召魔舉仙。答落大梵。散煙慶雲。八字雲篆。鎮文舉天。答落宮庭名。大梵曲赦恩。散煙慶雲。天中梵炁。元始遊答落之庭。開大梵之赦。放宥罪。

竟收攝元炁。故得梵炁還元。結成祥煙慶雲。而歸
金胎神室。飛灑玉都明魔上門。八字雲篆鎮摩夷
天飛飛天。灑神速玉玉真。都豐都。明命也。魔魔王
上門。上帝金門。元始與飛天衆聖。演說妙道。自龍
漢至延康。灑然神速。一會卽了。當此之時。玉真開
長夜之府。豐都度八難之竟。勅命魔王保舉。身朝
上帝金門。無行上首回蹠流玄。八字雲篆。鎮越衡
天。元始以虛無妙道。流行梵炁。綱維八極。上以彌
羅諸天。首環北帝之宮。若大劫交。運應數周。上帝
回施流晨之光華。蹠履玄空。以布化阿陀龍羅四
象。吁員八字雲篆。鎮蒙翳天。天中山名阿山中樓
名陀空峯山名龍。日月光曰羅。故天真呼曰爲濯

羅四四極。象象車。吁南昌帝諱。員日中童名。阿山
龍山。勢相交通。炁與玉清相屬。九折而上。連接陀
樓。日月之光普照。四極真人俱乘象車。下度學人。
引謁南丹吁帝。以求真陽之火。煉度生身。吁帝卽
命日中員童。以九陽金精之華。灌煉其體。如上所
釋。化凡證聖。天尊慈悲憫憐愚昧。降此靈書。玉字
隱語。使上士行靈書之道。而頓悟。中士聞玉字之
玄。而漸修。下士誦隱語之經。而求福。此之謂靈寶
大梵之妙也。

頌曰

妙哉靈寶度人經 雲篆天章闕玉清
阿奕華都行梵炁 幽冥聞此復更生

南方八天

南燭洞浮玉眸訖訖梵形落空九靈推
前澤洛菩臺綠羅大千眇莽九醜韶謠
緣邐雲上九都飛生自騫那育郁馥摩
羅法輪靈持无鏡攬姿運容馥朗廓奕
神纓自宮

南燭洞浮玉眸訖訖八字雲篆鎮和陽天南方丹
天世界有流火之庭飛燭煥乎八方中有洞陽宮
火炁炎浮玉眸火之膏質訖訖大盛光明交映煉
度學人梵形落空九靈推前八字雲篆鎮恭華天
元始自龍漢暨延康從劫至劫化生人物皆凝大
梵之炁以成形成一神變現不受胎育從空而生玉
都九靈真人散金花于推前之臺嘯詠洞章開度
天人澤洛菩臺綠羅大千八字雲篆鎮宗飄天澤
天中山名洛道君內諱菩飛天内音臺澤山之陽
有玉臺綠羅月宮玉妃名綠羅廣寒玉嬪名羅英
日宮仙童名濯羅扶桑靈童名員大千南閻浮提
爲大千世界凡一千世界爲小千一千小千爲中

千。一千中千爲大千。以三次言千而曰三千澤山衆龍所伏。中有黃房。洛君所居。從劫至劫。不滅不生。時領飛天大聖登玉臺。歌洞章。以度天人。緣羅玉妃。光照大千世界。其形如玉。美艾不艷。乘大梵之炁。理大陰度數。以應天元。无有差忒。若大劫交。日月俱會玉臺。含光潛耀。以俟劫運再開。復元運化。金液煉形之士。於此尋下手處。**眇莽九醜**。詔**緣羅**。八字雲篆。鎮皇笏天。**眇莽**混沌之狀。**九醜**大力鬼獸。詔魔王名。詔卽謠歌。緣南斗內諱。擲北斗隱名。天地未分。其狀眇莽。九獸之鬼。齊天而生。考人善惡。魔王復謠歌以惱。試學人若居慾境。雖艷色冶容。而心愈堅固。轉色界爲神仙境界。變慾心

爲清淨道心。則北斗除其黑籍。南斗與註仙名。保舉之司。引入此天。金華山求太乙合同符契。以遊宴諸天也。**雲上九都飛生**。自騫八字雲篆。鎮堂耀**天雲上**神王諱。九都玄臺名。飛生更生大神名。自騫從入騫林也。飛天神王。雲上焚百和香。散五雲花。太眞玉郎。執十絕幡。一日三迴迴幡一周。則諸天帝。齊集九都臺下。遶臺三匝。誦咏洞章。開度學人。若識此歌音。則更生大神。開不死之門。流長生之炁。煉其形。竟從而舉。入騫林。遊玄臺。又二十四年。行圓功滿。得上朝玄都。那育郁。那育郁。摩羅法輪。八字雲篆。鎮端靖天。那天中侍郎。育天闕空輪。那馥斗中仙童。摩羅天中魔王。法輪。天宮法輪。侍郎

那主四時之炁。運天闕空輪。正天分度。若大劫交。
法輪十轉。萬神俱至。郁馥唱禮。一唱則萬神齊禮。
魔王歌洞章之曲。受度學人。**持天鏡攬姿運容**
八字雲篆。鎮恭慶天。**源神龍之淵持龍淵都監无**
鏡神王名攬姿天門名運容玄和玉女名九龍伏
于深淵。都監常含金嬰。運東井黃華。天元眞一之
水。灌煉天人。无鏡開長夜之府。度其九祖。升超天
門。然後運容玉女開導學人。煉之以朱靈之炁。濯
之以玄和之津。變煉其體。灌注其形。**馥朗廓奕神**
纓自宮八字雲篆鎮極瑶天馥朗玄臺山名廓奕
神公內號神纓紫微靈童名自宮升紫微宮謂神
公廓奕。與元始同生。爲玄炁之祖。常歌洞章於馥

朗之臺。神纓靈童。引導學人。升紫微宮。上朝元始。
大修行。入煉已純淨。凝玉眸。流火之膏。乘綠羅大
梵之炁。居慾境。而九醜不能考過。入金華而太乙
卽與合同。靈持開冶煉之場。運容灌玄和之液。朱
陵煉質。黃華蕩形。飛生更生。神纓導引。升入紫微
宮也。

頌曰

妙哉靈寶度人經 玉簡金書舊上清
郁馥敬躬申唱禮 神公廓奕保仙名

西方八天

刀利禪猷。婆泥咎通。宛藪滌色。大眇之
堂。流羅梵萌。景蔚蕭嶠。易邈无寂。宛首
少都。阿縕郁竺。華漠延由。九開自辯。阿
那品首。无量扶蓋。浮羅合神。玉誕長桑。
栢空度仙。

刀利禪猷婆泥咎通。八字雲篆。鎮孔昇天。**刀利南**
方世界。禪黎國名。**猷**好生君名。**婆泥**洞陽宮。靈童

名。**咎通**魔王內諱。元始於刀利世界。禪黎國。洞陽
宮。火煉真文。洞煥万天。化此世界。爲大福堂。一切
罪竟。咸令升入。學人道成。則猷君度命。婆泥煉竟。
魔王咎通。敬受所事。不敢遏絕生門。**宛藪滌色**太
眇之堂。八字雲篆。鎮皇崖天。**宛藪**天帝內號。滌滌
蕩色色界。**大眇之堂**。卽天中大福堂。乃天之秘府。
中隱大洞。自然之文。皇崖天帝。主開大漠之經理。
治天氣。每領諸仙。遊行色界。諸天出入。上清之府。
蕩滌穢炁。開度學人。行業高者。得乘景雲之車。上
生大眇之堂。**流羅梵萌**景蔚蕭嶠。八字雲篆。鎮極
風天。**流**天王諱。**羅**月后名。**梵**飛天真人內音。**萌**元
始天王內名。**景皇**四極上真。**蔚秀**景霄仙人。**蕭嶠**

劫仞之宮。卽西方白素元君奧室。流君正九霄之
 炁。月后主遊宴之儀。飛天開九霄之闕。萌君爲梵
 炁之祖。景皇蔚秀。開治蕭嶠之宮。學人解悟此音
 方可馭丹龍之轡。以升九皇之臺。**易遊无寂矩首**
少都八字雲篆。鎮孝芒天。**易遊**始皇帝諱**无寂**天
 中庭名**无首**道君內音。**少都**日中童名。始皇天帝
 自龍漢至赤明劫。居虛无寂寂之庭。奉道君而演
 奧。明妙法以度人。靈童少都流以飛霞之彩。灌以
 日華之精。**阿縊**那之**華**延由八字雲篆。鎮浮容
天阿縊天帝隱諱**郁**默魔王內名。**无**欲界。**色**色界。
天阿縊東鬼之庭。**郁**禁鬼之房。郁魔隱現。或居
 欲界。或居色界。惱亂天人。渺漠難制。帝君阿縊。登

九層之樓。歌洞章以攝之。於是衆魔應響而束身。羣鬼詣由而伏形。九監。目。精。阿。非。由。道。前。八字雲篆。鎮江由天。天地未判。三氣混沌。九度初開。陰陽男女。自然明辯。帝君阿丘常登龍山九玄之都。勅諸飛天那邪。遊空開度蓋根之人。品度其覓入飛仙之上。首无量拔蓋浮羅。合神八字雲篆。鎮阮樂天。无量天中大聖。扶更生君名。蓋此天宮名。浮淵覓之呼。羅大羅。合合慶。神神公。无量大聖。總統飛天。皆受品量而升進之。更生君居蓋宮。主長夜之錄。定善惡之根。度諸幽覓。升大羅天。與神公合慶也。王誕長桑。相空度仙八字雲篆。鎮曇誓天。王誕玉都長桑。扶桑騫林。栢栢陵。空空洞。度仙度人成仙。

玉都有騫木扶桑之林。蔭覆諸天。葉皆紫字金書。每神風吹。返魂之草。則桑林鼓百籟之音。一如天尊昔栢陵說法時。林木自成空洞之歌。有靈雞栖于上。一鳴則天下雞皆鳴。於是青霞扶搖。太陽乃升。諸飛天真。聽雞初鳴。上登玉臺。採五方之雲牙。吸嚙三晨之光。以度學仙之人。上根之士。壹志清淨。雖居竺華之境。郁魔不能惱亂。廼得少都灌真。流羅主宴。桑林鼓籟。太陽流暉。以成還丹也。

頌

妙哉靈寶度人經

八角垂芒晃太清

大眇之堂无色界

長桑林下嚙華精

北方人天

獲无自育。九日導乾坤。毋東覆形。攝上玄。陀羅育邈眇。炁合雲飛。天大醜。總監上天。沙陀刼量。龍漢瑛鮮。碧落浮黎。空歌保珍。惡奕無品。洞妙自真。元梵恢漠。幽寂度人。

攬无自育九日導乾八字雲篆鎮霄度天飛天攬
无目龍漢溟滓之間乘運而出時與育帝乘鳳車
遊九玄之鄉轉九機之度以應劫運之數大劫交
則日華童子停光運化回度天常之道開真和
炁也坤母東覆形攝止玄八字雲篆鎮元洞天
太陰九靈仙母東覆東海理水神名形地機
召也上上告玄都九靈仙母主治東極扶桑陽
谷之淵總持地機旋轉元氣天關地機轉動一周
則溢水三千三百度度極則天地炁交九海混一
衆水彌天東覆大神主治崑崙之頂填涸巨海退
東井之源使地機不淪如劫交則坤母出東井召
鳥母於龍門制會河源上詣帝前申告劫會乃以

鳳車乘載學人升于崑崙以朝玄都
經者上妙之首經也道藏萬八千篇妙在度人一
卷度人一經妙在靈書一篇靈書之中顯此八字
奚謂元始秘隱玄妙至此忒殺泄盡天機天尊廣
大慈悲世人儘自疑信噫經爲至人說也至人則
能用此經也故清河老人頌之曰攬无乘運應軋
元旋轉九運保天根劫終鳥母會龍門學人乘風
升崑崙羽林受符拜新恩雲衣縹緲朝帝軒金液
還丹之妙至人於此具眼陀羅有貌眇无合雲八
字雲篆鎮妙成天陀飛天名羅月之光育妙成天
主諱邈羽林監神名謂陀與育俱生雲阿之嶺抱
月之光治羽林軍羽林軍在北雲阿嶺在南時敕

邈監遊行三界。保度學仙之人。詣羽林軍。受符信。
乘眇然梵炁。與諸天合景。結雲氣以爲衣。煉月光
而實腹。飛天大醜。總監上天。八字雲篆。鎮禁上天。
飛天神王。大醜。都錄之司。宗伯。總監。飛天神王。麾
下二神名。上天。升天也。飛天神王。總上天劫會之
運。管三界都錄之司。時敕總監二神。總錄長夜之
府。升幽薨於天界。使與道以合真。沙阿劫量龍漢
瑛鮮。八字雲篆。鎮常融天。此天有沙蘭宮。陀丘山。
劫量隨劫銓量龍漢。初劫名。瑛神王諱。鮮日童名。
言沙蘭宮。陀丘山。係玉清紫微別館。新得受度。而
功未圓者。常巨萬人。停散其中。皆龍漢時人。隨劫
運交。詮量其功。而詣上宮。學人若明此音。則瑛

察功行而度品。鮮童灌日精以煉形也。碧落天。
空歌保珍。八字雲篆。鎮騰勝天。碧落天霞也。淨衆
天王諱。空天中侍宸名。歌大洞之音。天王步虛。碧
霞開而乘飛雲之輦。侍宸一嘯。靈風扇而成大洞
之歌。引導諸仙。上朝七寶。保持下學。珍受靈書。惡
奕无品洞妙自真。八字雲篆。鎮梵度天。惡奕天帝
內音。无太无真人。天帝惡奕。自元始祖劫修行。超
出三界。位入玉虛。時敕太无真人。大開長夜之府。
品度罪薨。使其洞明宿命。淨盡惡根。上升妙化之
福堂。自樂至真之妙道也。元梵恢漠幽寂度人。八
字雲篆。鎮賈奕天。元始大梵之炁。恢漠廣大難窮。
高而空浮。懸而不落。雖幽而莫見。乃能變化。雖寂

然不動。感而遂通。其中有真。真中有精。其精甚真。妙不可名。顛之倒之。逆施五行。**度**无量**人**。以成還丹之道也。大修行人。真心堅固。信受奉行。即得性命混融。形神俱妙。超凡入聖。積行累功。以證高仙上聖之位。

頌曰

天尊說法度天人。大梵靈書顯至真。
好是真經靈驗處。大羅天上總安身。

道言。此諸天中。大梵隱語。无量之音。舊文字皆廣長一丈。天真皇人。昔書其文。

以爲正音。有知其音。能齋而誦之者。諸天皆遣飛天神王。下觀其身。書其功勤。上奏諸天。萬神朝禮。地祇侍門。大勳魔王保舉上仙。道備剋得遊行三界。昇入金門。此音无所不辟。无所不禳。无所不度。无所不成。天真自然之音也。故誦之。

致飛天下觀。上帝遙唱。萬神朝禮。三界
侍軒。群妖束首。鬼精自亡。琳琅振響。十
方肅清。河海靜默。山嶽吞煙。五靈振伏。
招集群仙。天无氛穢。地无妖塵。冥慧洞
清。大量玄玄也。

上陽子曰此經結篆乃太極真人所述舊文字者
廣長曰又謂龍漢之初元始以梵炁結而成文。

丈乃天地之成數。太極真人述云。**天真皇人**昔有
其文以爲正音。此靈書乃大道之根。還丹之主。有
知其音蓋此隱語。非中下士所能領悟。若至聖大
根神仙種子得師點破。卽解其音。一聞百悟。欣慶
无量。更不遲疑。內齋外戒。信受奉行。故太上曰。上
士聞道。勤而行之。夫行道之人。神明護門。魔鬼潛
迹。人能齋誦此經。則飛天神王。下觀其身。果清淨
否。又書其功。果勤行否。若其身果然清淨。欲不能
干。魔不能試。又其功。果然勇猛。堅固精進。勤行不
怠。則萬神自然朝禮。地祇爲之侍門。魔王亦行保
舉。俟其道備丹成。修行至經功滿德就。身外有身。
高超三界。**昇入金闕此音**隨人所行。行之勤者。得

道成仙。誦之勤者。所求如願。是以辟穰度拔。无所不成也。**誦之致飛天下觀**。夫誦經者。必齋心戒欲。掃地更衣。焚香端坐。收視存神。方可誦經。誠心精致。渾无雜想。故能感召。**飛天下觀書其功勤**。帝進唱。感其精專。今人手執素珠。其心妄想。何所不至。而口喃喃。以爲誦經。豈得**万神朝禮三界侍軒**。又且反招殃譴。而不可追。此皆**世法**之謂。自保舉上仙。至地无妖塵。乃玉晨道君。前叙已詳。太極真人。於此結經。重爲宣敷。以成靈寶度人功德。若以道用。則飛天下觀。乃神返身中。上帝遙唱。是脫胎神化。万神朝禮。一氣朝元。三界侍軒。三元內守。群妖束首。魔鬼伏降。鬼精自亡。尸怪殄滅。琳琅振

響。和炁斯應。十方肅清。內外貞白。洞海靜默。性寂情冥。山嶽谷壑。脉住氣停。万靈振伏。陽神出現。招集群仙。功成道備。天無氛穢。廣大徧周。地无妖塵。光明清靜。真慧洞清。慧一作惠。四字乃證結經之義。幽冥溥燭。慧照无边。惠及一切。洞煥大空。升清虚渺渺之天。更无拘滯。廣大量玄玄之妙。莫盡讚揚也。

頌曰

一卷真經字五千 重重密密總敷宣
要知妙道功圓好 結習都忘證上仙

元始靈書下篇

天真皇人撰

東方八天

森角儲雲。九菟煉精。枳默窺玦。浮枚白
跡。鹿幾揚房。碧提鄮回。池滇黨負。蛟追
謁携。澡章變瑜。蘭泮碧環。亢傍野生。極
中昆清。曜展洞涸。寂无眇凝。素倚虛羅。
皇達元靈。

南方八天

炎度綽堂。大霄瑤隅。歷遐薦漪。周局加
圖。披堯蹊膝。觚亶渾都。戟芸茶炫。并欺
持蒲掌維。迮儀奕光琅璫。扁縷益但。幽
微畢雷。涓湟寔東。赤曜叢稽。玉玄演侯。
栢槩至規。

西方人天

鎬正左適婆泥殺靈悲招均疆泊南疆
魁靜夷損光混元覺緣道守岑遙綿微
知宣太靈湮漠曷和盧隨哲京常華墟
咸堅沙栗鐸黜株會衍球裴卓雲青府
業觀般基

北方人天

洼孩蒙甘翠宇九闌蕭鈞漣興龍汾神
關溝淪沉魔豁蠻祈通玄寥亢息无知
肆明蟒脩吉夕馥壇時畎湯長敷昌匪
庸謹濟朝康聖寬秘法侈宜廣帝理生
衛肇宏人

天真皇人。梵炁玄遼。天寶自然。八合之音。主治世會。地壘洪澤。變災厄難。誦詠之者。襍辟妖祥。清靜道炁。无不寧也。地官奉書。百靈畏敬。神朱寫文。服佩明驗。施之於至學。不宜於下俗也。

太極真人頌

神靈煥層虛
元始九龍駕
靈光集萬真
出示靈寶篇
洞玄隱高嚴
无量匪得思

梵羅屯碧霄
皇人按青輶
珠影開陽寥
福德由是招
玉音泛雲璈
道海生波濤

法義同涓流

滋植成嘉苗

用以振窮飢

教興衛中朝

帝尊壽億年

太平滅兵刀

稽首望玉宸

靈華散金毫

太極真人曰

太上玉晨大道君。居紫霞之上。七映之

天。紀錄玄文。玉妃捧經。金童散香。大乙
執巾。玉郎侍筵。龍吟虎嘯。慶雲蒙靄。十
方天真大神。上聖高真。妙行真人。无極
飛天神王。三界大魔。九天丈人。无鞅數
衆。吟咏玉經。歸依太上。靈寶妙法。昌運
流行。億劫長存。

太上洞玄靈寶无量度人上品妙經

誦經畢呪曰

上皇大真。使我昇靈。清齋澡煉。誦詠金經。七玄披散。上朝大虛。延年長存。尅名錄書。

閉目咽液三過。叩齒三通。復爐呪曰

臣誦經已訖。向來所出。臣身中三五功曹。左右官使者。侍香金童。傳言玉女。五帝直符。直日香官。各三十二人。各還金房玉室。在左還左。在右還右。毋令差互。後召復到。一如故事。再叩齒三通。念向來聽經衛經聖衆。解壇散席。各復所司。神風靜默。山海肅清。千邪伏匿。百靈護形。心拜咽液。叩齒收經。

上陽子曰。天尊說經。以度迷人。世人若不沈迷。天尊奚肯漏露。夫人之生。稟父精母血。成其軀殼。及乎年壯。與嗜欲俱。却將所受之精。流于愛河慾海。喪之早者。不滿下壽。喪之遲者。不滿中壽。喪之晚者。不滿上壽。若欲身安壽永。唯當絕慾寶精。人之壽命。主乎精氣。猶燈之有油。如魚之有水。油枯燈滅。水涸魚亡。奈何愚人。以苦爲樂。見色棄生。豈知精竭。命亦隨逝。天尊慈憫。說出此經。可以煉丹。使人知回其氣。知還其元。知寶其身。知永其壽。然愚者不及。智者過之。何以故。智者曰。生必死。死則已。又何地獄之信哉。是云過之。愚者曰。不修善。不作惡。飢則飯。困則眠。此卽天堂。更有何道。是云不及。

雖然經與至人授也。道與上士說也。上士至人。誦經行道。積行累功。功高則身超大羅。行滿則臣事三境也。

頌曰

此經秘在大羅天 玉女持花侍法筵
經足丹成功行滿 鸞翔鳳舞駕雲輶

福唐不二氏翁紹參刊行

太上洞玄靈寶无量度人妙經卷下終

紹參幼時見釋氏者流爲亡人建功類多市買度人經數帙焚之以資冥福云經無原委初未審其出於何藏也丁丑歲春至莆之東山親叩三教先生之道於城北門龍堆社郭太玄老師家臨別承囑度人經最宜持誦荏苒六年曾未一觀壬午之秋遊於燕市書肆偶見是經一卷遂披閱之始知其爲道藏靈寶而上陽真人老婆心切復細加註釋以

惠來學真人註經於至元間度人功德可謂
浩大罔極矣而今善本係新安養素道人汪
泰元爲重刊於弘治甲子之春據所稱引又
出東岳道士潘志清真本潘道士不知何代
人茲所得本甚爲莊嚴欣慶請歸又幸得授
於五羊紫霞居左老師師曰是註是書世所
希有汪道人刊傳至今又已一百四十餘年
後之得見者亦鮮矣子其有心上報真人何

如復刻以廣其傳小子歡喜捐貲求善書者
善鐫者盡以梨木付之梓梓成復發心印施
百餘部用結同好之緣其板仍屬之紫霞居
賴左師道力得垂來禩實厚幸焉客曰子何
獨無一贊歎語答曰上陽一註一序發洩殆
盡余尚何言因爲畧舉經語曰鬼道樂兮當
人生門曰仙道貴度鬼道相連曰成敗懈退
度者幾人曰仙道難固鬼道易邪人道者心

諒不繇他危乎微乎小子且自兢兢於茲黽
勉之不暇實未能以告人矣謹歷紀其得聞
是經及得請得授與夫壽梓之緣云爾至於
供養尊禮經文若註申飭再三似無庸贅後
之君子幸毋忽諸左師名玄龍號意松大隱
紫霞居年近八旬顏若渥丹嘗在
大明崇禎皇帝十六年癸未歲四月十三日
三教門下弟子玉融不二氏翁紹參薰沐識

